

四庫全書

史部

欽定四庫全書

史部

御批資治通鑑綱目卷十三

詳校官修撰臣錢棨

編修臣程嘉謨覆勘

總校官降調編修臣倉聖脉

校對官中書臣陸湘

謄錄監生臣鰲圖

欽定四庫全書

御批資治通鑑綱目卷十三

起甲戌漢獻帝興平元年  
盡戊子漢獻帝建安十三年

凡十五年

甲戌興平元年春正月帝冠○二月追尊母王夫人爲靈

懷皇后

有司奏立長秋宮詔曰皇妣宅兆未卜何忍言後宮  
之選乎於是三公奏改葬皇妣王夫人追上尊號曰  
靈懷集覽長秋宮皇后宮也注見平帝元始  
皇后集覽三年宅兆宅墓穴也兆營域也

劉備救陶謙謙表備爲豫州刺史

陶謙告急於田楷楷與備救之備遂歸謙謙表領豫州屯小沛曹操軍食亦盡引兵還

集覽

小沛

高帝本紀沛豐邑人李斐曰沛小沛也孟康曰後沛爲郡豐爲縣索隱曰漢改泗水爲沛郡治相城故李

斐以沛質實

張九韶曰豫州刺史漢初所置領潁川汝南沛郡梁國魯國五郡

夏四月曹操復攻陶謙還擊劉備破之陳留太守張邈

迎呂布以拒操操還攻之質實

張邈東平人

曹操使荀彧程昱守鄆城復往攻陶謙所過殘滅還擊破劉備於鄆東謙恐欲走歸丹陽會張邈叛操操乃引還初邈少時好游俠袁紹及操皆與之善及紹爲盟主有驕色邈正議責紹紹怒使操殺之操不聽而邈終不自安前九江守邊讓素有才名操以其譏議已而殺之由是兗州士大夫皆恐懼陳宮剛直壯



烈內亦自疑乃與邈弟超共謀叛操說邈曰今天下  
分崩雄傑並起君以千里之衆當四戰之地撫劔顧  
眄亦足以爲人豪而反受制於人不亦鄙乎今州軍  
東征其處空虛呂布壯士善戰無前若權迎之共牧  
兗州觀天下形勢以俟時事之變此亦縱橫之一時  
也邈從之遂迎布爲兗州牧或知邈爲亂即勒兵設  
備急召東郡守夏侯惇於濮陽布遂據濮陽豫州刺  
史郭貢率衆數萬來至城下或言與布同謀貢求見  
或或將往惇曰君一州鎮也往必危或曰貢與邈等  
分非素結也今來速計必未定及其未定說之縱不  
爲用可使中立若先疑之彼將怒而成計貢見或無  
懼意謂鄆城未易攻遂引兵去是時兗州郡縣皆應  
布唯鄆城范東阿不動降者言宮欲自將取東阿又  
使祀竊取范或謂昱曰今舉州皆叛唯有此三城宮  
等以重兵臨之非有以深結其心三城必動君民之  
望也宜往撫之昱乃歸過范說其令靳允曰聞呂布

執君母弟妻子孝子誠不可爲心今天下大亂英雄並起必有命世能息天下之亂者此智者所宜詳擇也夫布衣中少親剛而無禮匹夫之雄耳宮等以勢歿合不能相君也曹使君智畧不世出殆天所授君必同范我守東阿則田單之功可立孰與違忠從惡而母子俱亡乎允流涕許之遂發氾巖勒兵自守徐衆曰允於曹公未成君臣母至親也於義應去衛公子問方仕齊積年不返管仲以爲不懷其親安能愛君是以求忠臣必於孝子之門允宜先救至親徐庶母爲曹公所得劉備遣庶歸北欲爲天下者起人子之情也曹公亦宜遣允○昱又遣別騎絕倉亭津宮不得渡至東阿令棗祇已拒城堅守卒完三城以待操布攻鄆城不能下西屯濮陽操曰布不能東乎斷允父泰山之道乘險要我而乃屯濮陽吾知其無能爲也乃

集覽

鄆城正義曰鄆音絹鄆城縣今濮州治鄆東郡漢爲濟陰鄆城縣今濮州治鄆

城濮陽地理志東郡濮陽縣古昆吾國今濮州是屬  
齊寧等分等閑交分也分去聲范縣名屬東郡案東  
郡今東昌府是東阿注見周烈王六年阿汜疑汜姓  
也注見桓帝建和元年汜宮麓中少親麓與沮粗通  
注見秦王政二十二年沮中而不信人田單之功田  
單齊諸田疏屬也燕破齊單走即墨即墨大夫戰死  
城中相與推單爲將以拒燕卒復齊七十餘城開方  
按呂氏春秋云開方姓名也今棗祇屬下句棗祇東  
阿縣令也祇音脂按潁川文士傳棗氏本姓棘因避  
難改焉東平本魯附庸須句國秦屬碭郡漢置東平  
國隋置鄆州宋陞東平府亢  
父注見周顯王三十六年  
**正誤**貢與邈等分非素  
貢與張邈呂布等諸人其交分非素  
相結者當於等字句絕分字屬下句  
**質實**一統志云  
潁陰人淑之孫程昱東阿人鄆城縣名注見周烈王  
六年鄆鄆縣名注見秦二世二年丹陽郡名注見明

帝永平十一年夏侯惇沛國譙人漢陽縣名注見周  
安王五年范漢之縣名屬東郡晉屬東平國北齊廢  
隋復置屬濟北郡唐初於縣置范州尋廢以縣屬濟  
州貞觀中改屬濮州宋金元仍舊至本朝因之改屬  
東昌府田單臨淄人齊湣王時爲臨淄縣掾燕伐齊  
盡降齊城惟莒即墨不下即墨人謂其智立爲將拒  
燕單用火牛大敗燕師盡復齊七十餘城迎立襄王  
於莒王封單爲安平君東平漢之國名取禹有東原  
底平之義即春秋時須句國也後爲濟東國又改大  
河郡東漢仍爲東平國後魏爲東平郡後周置魯州  
隋置鄆州後改東平郡唐復鄆州天寶初改東平郡  
元和中置天平軍宋徙治州故城政和初改東平府  
元改爲東平路至本朝復改爲府後  
降爲州以須城縣省入改屬兗州府

五月將軍郭汜樊稠並開府如三公考證

當作郭汜樊稠自開府如

三公○謹按漢書李傕與郭汜樊稠皆董卓故將卓既誅傕與汜稠等以兵入長安脅制天子共秉朝政開府與三公合爲六府並參選舉是時漢室衰微紀綱廢壞其開府也豈獻帝之意哉當本凡例依范史直以自爲書之故當去將軍號書曰郭汜樊稠自開府如三公

書法

不書以某專也據  
下揚定張濟書以

### ○六月分涼州置雍州

河西四郡以去涼州治遠隔以河冠求別置州詔以邯鄲商爲雍州刺史集覽邯鄲商名也風俗通曰邯鄲實涼州注見唐中鄲因國爲姓也宗景龍二年

### 京師地再震

書法

地震京師非小變也順帝嘗書之矣於是復書而一月至再焉終綱目書地震一百一

歲再震十二詳元帝初元三年而一月再震二桓帝建和三年是年獻皆見於京師非桓比矣

○是月晦日食○秋七月以楊定爲將軍開府○自四

月不雨至於是月

穀一斛直錢五十萬長安中人相食帝令侍御史侯汶出太倉米豆爲貧人作糜餓死者如故帝取米豆各五升於御前作糜得二盆乃杖汶五十於是悉得全濟

九月曹操攻呂布不克還走鄆城

呂布有別屯在濮陽之西曹操夜襲破之布至搏戰相持甚急司馬典韋將應募者進當之矢至如雨韋

不視謂等人曰虜來十步乃白曰十步又曰五步乃  
白等人懼疾言虜至韋持戟大呼而起所抵無不應  
手倒者操乃得引去遂入濮陽燒其東門示無反意  
及戰軍敗布騎得操而不識釋之操突火而出進復  
攻之與布相守百餘日糧盡各引去操還鄆城布屯  
山陽袁紹使人說操欲使遣家居鄴操將許之程昱  
曰意者將軍殆臨事而懼不然何慮之不深也夫袁  
紹有并天下之心而智不能濟也將軍自度能爲之  
下乎今兗州雖殘尚有三城能戰之士不下萬人以  
將軍之神武與文若昱等收而用之霸王之業可成  
也願將軍更**集覽**襲破春秋傳有鐘鼓曰伐無鐘鼓  
慮之操乃止曰侵輕曰襲注襲掩其不備也輕  
去聲等人猶言衆人也神武與文蔡氏書傳曰聖而  
不可知謂之神威之可畏謂之武英華發外謂之文  
霸王國語注霸把也把持諸侯之權也  
王于况反太玄經曰五行用事者王

**正誤**

以將軍之神武

與文若昱等收而用之今按集覽以神威文爲三德似於文字句絕非也文若乃荀彧之字與文二字當屬下

質實

典韋陳留人山陽郡名注見晉帝奕太和四年鄴縣名注見漢獻帝建安十五年

劉焉卒以其子璋爲益州牧

天火燒縣竹城劉焉徙治成都疽發背而卒州大吏趙遵等貪焉子璋溫仁共上以爲刺史詔以爲益州

牧

集覽

縣竹注見漢光武建武十二年

質實

成都縣名注見漢帝立更始二年益州注見晉

武帝泰始八年

書法

不書官何罪焉也自是牧鎮卒皆不書官以爲無上也故於其卒也壹削之

陶謙卒劉備兼領徐州



謙疾篤謂別駕麋竺曰非劉備不能安此州謙卒竺率州人迎備備未敢當曰公路四世五公海內所歸今近在壽春君可以州與之典農校尉陳登曰公路驕豪非治亂之主今欲爲使君合步騎十萬上可以匡主濟民下可以割地守境若使君不見聽許登亦未敢聽使君也北海相孔融謂備曰袁公路豈憂國忘家者耶冢中枯骨何足介意今日之事百姓與能天與不取悔不可追備遂領徐州

**集覽**百姓與能易繫辭人謀鬼謀百姓與能韓康伯注人謀况議於衆以定失得也鬼謀况寄卜筮以考吉凶也故百姓與能樂推而不厭按程朱二先生傳義與音預朱氏附錄曰百姓與能言他無知因卜筮便會做得事便是**正誤**百姓與能今按與字易說有上去二音與能孔融所引則當如字劉備言可以徐州與袁術融等不從故云今日**質實**康竺東海胸人公之事百姓視能者而與之

五公四世謂袁安子敞孫湯曾孫逢也五公謂袁安爲司空又爲司徒子敞爲司空孫湯爲太尉曾孫逢爲司空孔融魯人孔子二十世孫

**書法**

於是州人迎備備推袁術衆不可遂領徐州則非有詔命也曷爲不稱自據表紹表術書

自領綱目於劉備多起辭正也

**馬曰碑卒於壽春**

初日碑與趙岐俱奉使至壽春岐守志不撓袁術憚之日碑頗有求於術術借節視之因奪不還求去不遣日碑嘔質實趙岐長陵人壽春縣血而死名注見秦王政六年

**書法**

日碑何太傅也然則曷爲不書官使失節也是日碑奉使和解關東袁術詐奪其節是

尋命也故書卒於壽春而削其官東漢自牧鎮外  
卒不書官者三單超曰碑荀攸終綱目卒以地者  
四曰碑管寧太傅越揚復  
光惟曰碑太傅越爲譏辭

發明

劉焉貪圖非望奢僭不臣曰碑奉使無  
狀失節屈身故皆書卒而削去其官

## 袁術表孫策爲懷義校尉

初孫堅娶錢塘吳氏生四男策權翊匡及一女堅從  
軍於外留家壽春策年十餘歲已交結知名舒人周  
瑜與策同年亦英達夙成自舒來造推結分好勸策  
徙居舒推道南大宅與策升堂拜母有無通共及堅  
死策年十七還葬曲阿已而度江居江都結納豪俊  
有復讐之志術上策舅吳景領丹陽太守從兄貢爲  
都尉策往見術涕泣言曰亡父昔從長沙入討董卓  
與明使君會於南陽同盟結好不幸遇難勲業不終

策感惟舊恩欲自憑結願明使君垂察其誠術甚奇之然未肯還其父兵謂曰丹陽精兵之地可往召募策遂迎其母詣曲阿依舅氏召募得數百人爲涇縣大帥祖郎所襲幾至危殆於是復往見術術以堅餘兵千餘人還策拜懷義校尉許以爲九江太守已而更用陳紀又使攻廬江太守陸康謂曰今若得康廬江真卿有也策攻拔之術復

集覽

錢塘九域志昔吳都爲潮水所損州

人華信出私錢築塘捍潮因號錢塘隋置杭州宋陞臨安府曲阿鎮江志云丹陽古雲陽縣也秦時亦言其地有天子氣始皇鑿北坑以敗其勢截直道使阿曲因名曰曲阿江都禹貢揚州也漢景帝置江都國武帝更廣陵郡隋復爲揚州從兄賁策之從兄名賁賁音奔長沙策之父堅嘗爲長沙守涇縣注見明帝永平十三年正誤從兄賁今按孫賁字伯陽周易山下質有火賁爲文明光飾之義恐當作秘質

實

一統志云錢塘秦之縣名屬會稽郡漢爲會稽西  
郡都尉治所東漢縣省晉復置屬吳郡陳於此置

錢唐

郡隋爲杭州治唐改唐爲塘宋元仍舊至本朝

因之改屬杭州府舒古之國名春秋時羣舒叛楚即

此地秦屬九江郡漢初改爲龍舒縣地屬廬江郡後

改爲舒縣宋齊因之唐開元中於故舒置舒城縣屬

廬州宋元仍舊至本朝因之改屬廬州府曲阿秦之

縣名屬會稽郡漢屬吳郡三國吳復改雲陽晉復改

曰曲阿屬毘陵郡梁屬蘭陵郡隋屬江都郡唐武德

初於縣置雲州又改簡州尋廢州以縣屬潤州天寶

初改名丹陽縣宋元仍舊至本朝因之改屬鎮江府

江都漢之縣名屬廣陵國晉屬廣陵郡隋屬江都郡

唐始爲揚州治所復析置江陽縣南唐以江陽省入

廣陵宋復省廣陵入江都治州城東南隅元徙治北

關外後廢之至本朝復置江都縣改屬揚州府長沙

秦之郡名治臨湘縣漢改爲長沙國東漢復爲長沙

郡三國時初屬蜀漢後屬吳晉於此置湘州劉宋復  
爲長沙國南齊復爲長沙郡隋初廢郡置潭州後復  
爲長沙郡唐改置潭州天寶初復爲長沙郡中和初  
置欽化軍節度五代唐爲長沙府宋置防禦使復置  
武安軍元改爲潭州路至本朝初改爲潭州府後改  
爲長沙府隸湖廣道九江郡名注見秦王政六年壽  
春陳紀潁川許人寔之子廬江國  
名注見景帝四年陸康吳郡人

# 以劉繇爲揚州刺史

繇岱之弟也素有盛名詔用爲揚州以袁術已據壽  
春欲南渡江吳景孫賁迎置曲阿久之繇以景賁本  
術所置迫逐之景賁退屯歷覽歷陽正義曰今淮  
陽繇遣將屯橫江以拒之  
**集覽** 歷陽正義曰今淮  
舊縣也淮南子云歷陽之都一夕而爲湖即此橫江  
即橫塘也金陵覽古曰自江口沿淮築堤謂之橫塘

李白詩人言橫江好我道橫江惡一風三日吹倒山  
白浪高於瓦棺閣即此輿地記橫江浦在和州界對  
江南之采石劉繇年平人張九韶曰揚州刺史  
往來濟渡處質實漢之所置領廬江九江會稽丹陽  
豫章六安六郡又詳見秦王政六年壽春歷陽縣名  
注見冲帝永嘉元年一統志云橫江在和州城東南  
二十五里直江  
南采石渡處

乙亥二年春正月曹操敗呂布於定陶質實定陶縣名注

年○即拜袁紹爲右將軍質實袁紹汝南汝陽人安四世孫

書法非三公未有書即拜者據張溫劉虞皆太尉  
大司馬右將軍直書即拜何譏也紹不勤王

而漢就拜之書即拜所以媿紹也

○二月李傕殺樊稠攻郭汜劫帝入其營

董卓初死三輔民尚數十萬戶傕等放兵劫掠加以饑饉二年之間民相食畧盡李傕郭汜樊稠矜功爭權傕以稠勇而得衆忌之請稠會議於坐殺之由是諸將轉相疑貳傕汜各治兵相攻傕遂將兵圍宮以車三乘迎帝放兵入掠宮人御物并取金帛遂放火烧宮殿官府居民悉盡帝復使公卿和傕汜汜留太尉楊彪大司農朱儁等十人質實楊彪華陰人人以爲質儁憤懣發病死

質實

楊彪華陰人震之子也

夏四月立貴人伏氏爲皇后○郭汜攻李傕傕遷帝於北塢

郭汜議攻李傕楊彪曰羣臣共闢一人劫天子一人質公卿可乎汜怒欲手刃之彪曰卿尚不奉國家吾



宣求生邪汜乃止僉召羌胡數千以御物與之許以  
宮人欲令攻汜汜遂將兵夜攻僉門矢及帝惟僉復  
移乘輿幸北塢使校尉監塢門內外隔絕侍臣皆有  
飢色帝求米及牛骨以賜左右僉以臭牛骨與之司  
徒趙溫與僉書曰公前屠陷王城殺戮大臣今爲睚  
眦之隙以成千鈞之讐朝廷欲令和解詔命不行而  
復欲轉乘輿於黃白城此誠老夫所不解也於易一  
爲過再爲涉三而弗改滅其頂凶不如早共和解僉  
大怒欲殺溫其弟應諫之數日乃止閏月帝使謁者  
僕射皇甫鄴和僉汜鄴先詣汜汜從命又詣僉僉不  
肯曰君觀吾方畧士衆足辦郭多否多又却質公卿  
而君苟欲左右之邪鄴曰近者董公之強將軍所知  
也呂布受恩而反圖之此有勇而無謀也今汜質公  
卿而將軍脅主誰輕重乎張濟與汜有謀揚奉知將  
軍所爲非是將軍雖寵之猶不爲用也僉呵之出鄴  
詣省門白僉不肯奉詔辭語不順帝恐僉聞之亟令

鄭集覽

北塢山陽公載記曰時獻帝在南塢李傕在

去集覽

北塢睚眦注見周赧王五十六年黃白城正

義曰在弘農郡於易一爲過再爲涉三而弗改滅其  
項山於易爲句易謂周易也易大過卦過涉滅頂山  
無咎伊川傳曰以陰柔處過極是小人過常之極者  
也小人之所謂大過非能爲大過人之事也直過常  
越理不恤危亡履險蹈禍而已如過涉於水至滅沒  
其項其山可知小人狂躁以自禍蓋其宜也復將何  
尤故曰無咎足解郭多否郭多即郭汜也史炤曰汜  
一名多傕謂汝以我之方畧我之士衆觀之可勝郭  
汜否乎左右之左  
右請曰佐佑助也

李傕自爲大司馬○曹操攻拔定陶呂布走歸劉備留  
廣陵太守張超守雍丘

呂布將薛蘭李封屯鉅野曹操攻之斬蘭等操以陶謙已死欲遂取徐州還乃定布荀彧曰昔高祖保關中光武據河內皆深根固本以制天下進足以勝敵退足以堅守故雖有困敗而終濟大業將軍本以兗州首事且河濟天下之要地是亦將軍之關中河內也不可以不定今分兵東擊陳宮以其間收熟麥一舉而布可破也若舍而東多留兵則不足用少留兵則布乘虛寇暴民心益危是無兗州也若徐州不定將軍當安所歸乎且謙雖死徐州未易亡也彼懲往年之敗必堅壁清野以待將軍攻之不拔畧之無獲不出十日則十萬之衆未戰而自困耳前討徐州威罰實行其子弟念父兄之耻必無降心就能破之尚不可有也夫事固有棄此取彼者以大易小可也

三者莫利願將軍熟慮之操乃止布復與陳宮將萬餘人來戰操兵皆出收麥在者不能千人屯西有大

隄操隱兵隄裏出半兵挑戰既合伏發大破之攻拔  
定陶分兵平諸縣布東犇劉備張邈從之留弟超守  
雍丘布見備甚尊敬之請備於帳中坐婦牀上令婦  
向拜酌酒飲食名備爲弟備見布語言無常外然之  
而內**集覽**鉅野括地志云鄆州有鉅野縣禹貢大野  
不悅**集覽**既豬蔡氏傳曰大野澤名地志在山陽郡

鉅野縣北今濟州鉅野縣是鉅即大也何承天曰鉅  
野廣大南導洙泗北連清濟兗州首事操初舉義兵  
於陳留故以兗州爲首事河濟注見周**質贊**廣陵郡  
安王十五年定陶注見秦二世二年

武帝元朔五年淮南國張超東平人雍丘縣名注見  
桓帝延熹四年一統志云鉅野漢之縣名屬山陽郡  
晉屬高平國後罷隋復置屬東平郡唐置麟州治此  
尋廢州以縣屬鄆州五代周於此置濟州宋因之金  
徙州治任城縣省鉅野入鄆州元初爲濟寧路治後  
徙路治任城而此縣屬焉至本朝因之改屬兗州府

徐州注見秦始皇二十八年彭城關中注見漢王邦  
元年河內郡名注見桓帝延熹九年兗州禹貢九州  
之一春秋時爲魯國戰國屬楚秦爲薛郡漢爲魯國  
及泰山山陽郡地東漢爲任城國山陽泰山郡地兼  
置兗州晉改爲魯郡劉宋元嘉末復置兗州於瑕丘  
北齊改爲任城郡隋置郡爲兗州大業初改爲魯郡  
唐爲兗州天寶初又爲魯郡乾元初復爲兗州後陞  
泰寧軍五代周復爲州宋初復爲泰寧軍重和初改  
爲襲慶府金初爲兗州復爲泰寧軍又改泰定軍元  
初復爲兗州隸濟寧路至本朝陞爲兗州府屬山東  
道

六月將軍張濟迎帝東歸秋七月發長安以濟爲驃騎  
將軍開府

李傕郭汜相攻連月死者以萬數傕將楊奉謀殺傕  
事泄叛去傕衆稍衰張濟自陝西至欲和傕汜遣乘  
輿權幸弘農帝亦思舊京遣使宣諭十反汜傕許和  
計未定而羌胡數來闕省門曰天子在此中邪李將  
軍許我宮人今皆何在帝患之使謂將軍賈詡曰卿  
前奉職公忠故升榮寵今羌胡滿路宜思方畧詡乃  
召羌胡大帥飲食之許以封賞羌胡皆引去傕由此  
單弱七月車駕東出夜到霸陵從者皆饑張濟賦給  
有差傕出屯池陽郭汜欲令帝幸高陵公卿及濟以  
爲宜幸弘農議之不决帝遣使諭汜曰弘農近郊廟  
勿有疑也汜不從帝遂終日不食汜聞之曰可且幸  
近縣八月幸新豐汜復謀脅帝還都鄴侍中种輯知  
之密告楊定董承楊奉令會新集覽弘農郡名本河  
豐汜自知謀泄乃棄軍入南山南郡弘農縣今  
陝州是池陽縣名屬馮翊括地志云故城在雍州涇  
陽縣西北三里高陵注見周赧王四十九年南山注

見文帝質實張濟武威祖厲人弘農郡名注見周顯

五年

王四十六年陝賈翽武威人霸陵縣名

注見文帝二年池陽漢之縣名屬左馮翊後魏徙咸陽郡治此後周省縣隋罷郡復置涇陽縣屬雍州唐屬鼎州尋復屬雍州宋金仍舊元省入高陵縣尋復置至本朝因之改屬西安府新豐縣名注見成帝鴻嘉元年鄒縣名注見靈帝中平六年

書法

書劫帝遷帝有之矣此其書迎帝何本帝意也故張濟得書將軍及追帝至陝則逆矣復

削稱張濟而催汜不書姓

八月曹操圍雍丘張邈爲其下所殺○冬十月以曹操爲兗州牧○十二月帝至弘農張濟與催汜合追帝至

# 陝帝渡河入李樂營

郭祀黨復謀脅乘輿西行楊定董承將兵迎天子幸  
楊奉營至華陰將軍段熲具服御資儲欲上幸其營  
熲與楊定有隙定黨言熲欲反楊彪趙溫劉艾皆曰  
段熲不反臣等敢以死保之帝疑之定將與奉承攻  
熲請帝爲詔帝曰熲罪未著奉等攻之而欲令朕有  
詔邪固請弗聽奉等乃輒攻熲營不下熲供給御膳  
稟贍百官無二意詔和解之定等還營李傕郭汜聞  
定攻熲相招共救之因欲劫帝而西楊定單騎亡走  
荊州張濟與奉承不相平乃復與傕汜合車駕遂幸  
弘農濟傕汜共追乘輿大戰於東澗承奉軍敗百官  
士卒死者不可勝數棄御物符策典籍畧無所遺露  
次曹陽承奉乃譎傕等與連和而密遣間使至河東  
招故白波帥李樂韓暹胡才及南匈奴右賢王去卑  
並率其衆數千騎來共擊傕等大破之車駕發東



等復來戰奉等大敗死者甚於東澗李樂曰事急矣  
陛下宜御馬上曰不可舍百官而去此何辜哉兵相  
連綴四十里至陝乃結營自守虎賁羽林不滿百人  
李樂懼欲令車駕御船過砥柱出孟津揚彪以爲河  
道險難乃使樂夜渡具船舉火爲應上與公卿步出  
營皇后兄伏德扶后御船同濟者揚彪以下纔數十  
人到太陽幸李樂營河南太守張楊使數千人負米  
貢餉上御牛車幸安邑河東太守王邑奉獻綿帛悉  
賦公卿以下羣帥競求拜職刻印不給至乃以錐畫  
之乘輿至棘籬中門戶無關閉帝又遣太僕韓融與  
催汜等連和催乃放百官歸宮人已而糧盡張楊來  
朝謀以乘輿還雒陽諸將不聽是時長安城空四十  
餘日彊者四散羸者相食二三年間關中無復人跡  
沮授說袁紹曰將軍累葉台輔世濟忠義今州域粗  
定兵彊士附西迎大駕即宮鄴都挾天子而令諸侯  
畜士馬以討不庭誰能禦之郭憲淳于瓊曰漢室陵

遲爲日久矣今欲興之不亦難乎且英雄並起先得者王今迎天子自近動輒表聞從之則權輕違之則拒命非計之善者也授曰今迎朝廷於義爲得於時爲宜若不早定必有先之者矣紹不從

集覽

華陰地理志弘農郡有華陰縣括地志云華州華陰在華山北戰國魏陰晉也秦惠文王更名寧秦漢高改華陰露次猶言露室也周禮掌次注次謂幄也曹陽晉灼曰亭名在弘農東十三里魏武改名好陽括地志云在陝州桃林縣東南故白波帥故舊曰也靈帝末黃巾餘黨郭太等起於西河白波谷因號白波賊去卑右賢王名虎賁注見平帝元始五年羽林注見昭帝元鳳元年砥柱注見成帝綏和二年孟津注見帝立更始二年大陽正義曰大陽今陝州河北縣是漢屬河東郡以討不庭左傳曰以王命討不庭注云下之事上皆成禮於庭中有不朝於王庭者則聲其罪以討之先之先悉薦反左傳曰軍志有之先人

有奪人之心後

**正誤**

露次曹陽今按露猶暴露露次猶止舍也左傳凡師再宿爲信過

人有待其衰

**質實**

一統志云華陰縣名注見周顯王三十七年陰晉東澗在

野不居屋下也

河南府陝州西南七里一名七里澗又名石橋溝北

流入河曹陽墟名在河南府陝州西南九里去東澗

不遠陝縣名注見周顯王四十六年大陽津名在河

南府陝州西北四里一名茅津又名陝津今置大陽

關於此安邑注見周威烈王二十三年鄴都注見元帝建昭二年魏郡

**書法**

書入李樂營則與書劫遷者異矣

**孫策擊劉繇於曲阿破走之**

孫堅舊將丹陽朱治見袁術政德不立勸孫策歸取

江東策說術曰家有舊恩在東願助舅討橫江橫江

御批資治通鑑綱目

十五

拔因投本土召募可得三萬兵以佐明使君定天下  
術知其恨而以劉繇據曲阿王朗在會稽謂策未必  
能定乃許之表策爲折衝校尉將兵千餘人騎數十  
匹行收兵比至歷陽衆五六千周瑜自丹陽將兵迎  
之助以資糧進攻橫江拔之渡江轉鬪所向皆破莫  
敢當其鋒者百姓聞孫郎至皆失魂魄及策至軍士  
奉令不敢擄掠雞犬菜茹一無所犯民乃大悅競以  
牛酒勞軍策爲人美姿顏能笑語性闊達聽受善用  
人是士民見者莫不盡心樂爲致死策攻劉繇於  
曲阿繇使太史慈偵視輕重獨與一騎卒遇策於神  
亭策從騎十三慈便前鬪正與策對策驍得慈手戟  
慈亦得策兜鍪蓋會兩家兵騎來赴於是解散繇兵敗  
走策入曲阿勞賜將士發恩布令告諭諸縣樂從軍  
者一身行復除門戶不樂者不彊旬日之間四面雲  
集得見兵二萬餘人馬千餘匹威震江東術表策行  
殄寇將軍策將呂範言於策曰今將軍事業曰大士

衆日盛而紀綱猶有不整者範願覲領都督佐將軍  
部分之策曰子衡既士大夫加手下已有大衆豈宜  
復屈小職知軍中細事乎範曰不然今捨本土而託  
將軍者非爲妻子也欲濟世務也譬猶同舟涉海一  
事不牢即俱受其敗此亦範計非但將軍也策笑範  
出便釋襦著袴褶執鞭詣閣下啓事自稱領都督自  
是軍中肅睦威禁大行策以張紘爲正義校尉彭城  
張昭爲長史常令一人居守一人從征討待昭以師  
友之禮文武之事一以委之每得北方士大夫書專  
歸美於昭策歡笑曰昔管仲相齊一則仲父二則仲  
父而桓公爲霸者宗今子布賢我能用之其功名獨  
不在我乎劉繇將犇會稽許劭曰會稽富實策之所  
貪且窮在海隅不可往也不如豫章北連豫壤西接  
荊州若收合吏民遣使貢獻足下受王命孟德景升  
必相救濟

集覽

願助舅策之舅吳景太史慈太史復  
姓慈名也神亭地名子衡呂範字釋

禱釋解也禱音溝單衣也單通作禪並音多寒反前書江亢傳衣紗縠禪衣顏師古曰禪衣若今之朝服

中單著袴褶著步畧反被服也褶音摺袴褶騎服也子布張昭字豫環豫州之境環

**正誤**

今神亭

在鎮江府質實朱治安吉人太史慈黃縣人事物紀原云兜鍪胄也黃帝內傳所述蓋玄

女請帝製之以備身也淮南子紀論訓曰有鍪頭而繼領以王天下者矣許慎注曰蓋三皇所以鍪頭者

兜鍪帽也則是黃帝之制胄亦以古鍪頭之事耳故自古以兜鍪為首鎡之名張絃廣陵人會稽郡名注

見和帝永元元年許劭汝南平輿人孟德曹操字景升劉表字王朗東海人

劉繇攻豫章笮融走死以華歆為太守

初陶謙以笮融為下邳相使督廣陵下邳彭城糧運融遂斷以自入大起浮屠祠課人讀佛經招致荀郡

好佛者至五千餘戶每浴佛設食布席數十里費以巨億計及曹操擊破陶謙融乃將男女萬口走廣陵太守趙昱待以賓禮融利廣陵資貨遂乘酒酣殺昱放兵大掠走依彭城相薛禮於秣陵復殺禮又詐殺豫章大守朱皓而領其郡劉繇討

集覽

劉繇傳注

音杜力反按姓苑音側格反斷以自入以所督三城之糧斷而入已秣陵春秋楚威王埋金以鎮王氣故

名金陵漢改曰秣陵三國吳都之改名建業晉改建康唐改昇州五代時齊王徐知誥改江寧府宋復名

建正誤

斷以自入今按

質實

下邳國名注見高帝六年廣陵郡名注見武帝

元朔五年淮南國彭城國名注見秦始皇二十八年一統志云秣陵秦之郡名即楚威王之王金陵邑因其地有王氣埋金以鎮之故名秦始皇以金陵有都邑之氣改曰秣陵屬鄣郡漢改鄣郡爲丹陽郡武帝後

楊州刺史治此吳自京口徙都於此改爲建業晉平  
吳改建業爲秣陵尋分秣陵北爲建業改業爲鄴建  
興初改爲建康東晉元帝復都此置丹陽郡宋齊梁  
陳因之隋平陳廢郡更於石頭城置蔣州唐武德初  
置揚州後復爲蔣州又爲揚州大都督府尋罷至德  
初置江寧郡乾元初改爲昇州後廢復置五代時吳  
楊氏建大都督府尋改爲金陵府又改爲江寧府南  
唐李氏都之宋復爲昇州仁宗時陞爲江寧府建康  
軍節度高宗改爲建康府建行都置行宮留守元至  
元中改爲建康路元貞初立江南諸道行御史臺天  
曆初又改爲集慶路至本朝因之改爲應天府直隸  
京師豫章郡名注見武帝元鼎五年華歆高唐人

孫策遣其將朱治據吳郡

丹陽都尉朱治逐吳郡太守許貢而據其  
郡貢南依山賊嚴白虎後策皆擊殺之  
質實注見



建安五年丹陽郡名注  
見明帝永平十三年

# 雍丘潰張超自殺袁紹圍東郡執太守臧洪殺之

張超在雍丘曹操圍之急超曰惟臧洪當來救吾衆  
曰袁曹方睦洪爲袁所表用必不敗好以招禍超曰  
子源天下義士終不背本但恐見制彊力不相及耳  
洪時爲東郡太守徒跣號泣從紹請兵將赴其難紹  
不與請自率所領以行亦不許雍丘遂潰超自殺洪  
由是怨紹絕不與通紹興兵圍之歷年不下令陳琳  
以書喻之洪復書曰僕小人也中因行役蒙主人顧  
蓋遂竊大州自謂究竟大事共尊王室豈悟本州被  
侵郡將遣虎請師見拒辭行被拘使洪故君遂至淪  
沒區區微節無所獲中所以慙悲揮戈收淚告絕  
者也行矣孔璋足下微利於境外貳洪投命於君親  
吾子託身於盟主臧洪名於長安子謂余身死而

名戚僕亦笑子生而無聞焉紹遂增兵急攻城中糧  
穀已盡洪呼將吏士民謂曰洪於大義不得不死諸  
君無事可先城未敗將妻子出皆垂泣曰明府與袁  
氏本無怨隙今爲本朝郡將之故自致殘困吏民何  
忍當舍明府去也初尚掘鼠煮筋角後無可復食者  
內廚有米三升以爲薄糜徧泣士衆又殺其愛妾以  
食之將士流涕無能仰視男女七八千人相枕而死  
莫有叛者城陷生執洪謂曰今日服未洪據地嘆  
目曰諸袁事漢四世五公可謂受恩今王室衰弱無  
扶翼之意欲因際會希冀非望多殺忠良以立姦威  
惜洪力劣不能推刃爲天下報仇何謂服乎紹殺之  
洪邑人陳容少親慕洪時在紹坐起謂紹曰將軍舉  
大事欲爲天下除暴而先誅忠義豈合天意紹慙使  
人牽出謂曰汝非戚洪儔空復爾爲容顧曰仁義豈  
有常蹈之則君子背之則小人今日寧與戚洪同日  
而死不與將軍同日而生也遂復見殺在坐無不歎

息竊相謂曰如何

集覽

子源臧洪字傾蓋家語孔子

一日殺二烈士

親也虞喜志林云傾蓋者道行相遇輒車對語兩蓋相切小歆之義也戰國策曰中山君所傾蓋而朝窮閭隘巷之士者七十家注傾者却不御也所以尊禮也前鄒陽傳諺曰傾蓋如故服虔曰傾蓋如故如吳札鄭僑也遺尼遺丁豆反遇也尼災難也行矣孔璋顧師古曰行矣猶今言好去也孔璋陳琳字策名注見周威烈王二十三年委質推刃公羊傳定四年父受誅子復讐推刃之道也何休曰一往一來曰推刃

質實

臧洪廣陵射陽人東郡注見光武建武八年陳琳廣陵射陽人陳容與臧洪同郡

發明

考之綱目是年正月書即拜袁紹爲右將軍二月書李傕劫帝入其營四月書傕遷帝北

塢十二月書傕追帝至陝帝渡河入李樂營方是時也乘輿播越奔走荆棘中袁紹累葉台輔新受

上將之命手握彊兵不能奉迎大駕而乃却沮授之正議怵郭圖之邪說坐視朝廷傾覆畧弗之顧方且攻圍東郡求逞已私曾無奔問官守之意臧洪與紹本無怨隙徒以盡節郡將守志不屈而已觀其瞋目數紹之語深中其罪而紹不知自反何哉書圍東郡執太守臧洪殺之所以見其怙衆憑力執殺守臣而臧洪橫罹桀逆不失官守力屈見害之意皆森然著見於書法之間然則袁紹之罪可勝誅哉

劉虞故吏鮮于輔迎虞子和攻公孫瓚破之

公孫瓚既殺劉虞盡有幽州恃其才力不恤百姓記過忘善睚眦必報衣冠善士有材秀者必抑困使在窮苦之地或問其故瓚曰衣冠皆自以職分當貴不謝人惠故所寵愛類多商販庸兒所在侵暴百姓怨

之劉虞從事鮮于輔等以燕國閭柔素有恩信推爲  
烏桓司馬招誘胡漢數萬人與瓚所置漁陽太守鄒  
丹戰斬之烏桓峭王亦率種人及鮮卑七千餘騎隨  
輔南迎虞子和與袁紹將麴義合兵十萬共攻瓚破  
瓚於鮑丘斬首二萬餘級於是代郡廣陽上谷南北  
平各殺瓚所置長吏瓚軍屢敗先是有童謠曰燕南  
垂趙北際中央不合大如礪唯有此中可避世瓚自  
謂易地當之遂徙鎮易爲圍塹十重築京高十丈爲  
樓其上以鐵爲門專與姬妾居疎遠賓客無所親信  
謀臣猛將稍稍乖散自此之後希復攻戰或問其故  
瓚曰我昔謂天下指麾可定至於今日兵革方始觀  
此非我所欲不如休兵力耕以救凶年兵法百樓不  
攻今吾諸營樓櫓數十重積穀三百集覽鮮于輔  
萬斛食盡此穀足以待天下之事矣集覽鮮于輔  
俗通曰武王封箕子於樂浪之朝鮮其子食采於  
因氏鮮于峭王靈帝時烏桓大人遼東蘇僕延自稱

峭王中央不合大如礪言燕趙之間不相合者其地  
大如砥礪之堅易地涿郡易縣之地易水出縣南安  
閭山東至文安入滹括地志云易縣故城在幽州歸  
義縣東南隋置易州今屬大興府樓榭榭與櫓通城  
上守禦望樓也釋名榭正誤中央不合大如礪今按  
露也樓無覆屋曰榭如礪言其小也猶泰山  
若礪質實睚眦注見周赧王五十六年燕國注見唐  
之意高祖武德四年幽州漁陽郡名注見秦王  
政三年鮑丘未詳處所惟順天府境內有鮑丘河其  
水經源自禦夷北塞南流逕九莊嶺百餘里逕密雲  
戍又南左合道人溪水至通州米莊村合沽水經三  
河縣界入洶河未知是否明者鑑之代郡注見秦王  
政三年雲中郡廣陽郡名注見唐高祖武德四年幽  
州有廣陽縣乃漢初所置屬幽州齊省入薊縣故城  
在順天府良鄉縣東上谷郡名注見秦王政三年右  
北平郡名注同上年一統志云易漢之縣名屬涿郡

後漢屬河間國晉改爲易城縣後魏屬上谷郡北齊省入鄭縣隋屬河間郡唐初於此置北義州貞觀初州廢後復置歸義縣屬幽州五代初置瓦橋關周爲雄州宋置歸信縣政和中號州爲易陽郡金陞爲永定軍元復爲雄州至本朝改州爲縣省歸信縣入焉仍屬保定府

**書法**

書故吏何予義也是故鮮于輔以劉虞故吏書陳安以晉王保故將書麻秋張賀度以故

趙將書劉黑闥以竇建德故將書鞏廷美以湘陰故將書皆予之也終綱目書故吏一故將七唯故楚將利幾書反成都故將公師藩書冠爲罪辭逆黨也

**發明**

故吏之書一以見虞之恩德在人未泯一則見輔等不忘故主之義皆所以爲忠臣義士

之勸  
也歟

丙子建安元年春二月脩雒陽宮

董承張楊欲以天子還雒陽楊奉李樂不欲由是諸將更相疑貳張楊使董承先繕脩雒陽宮五月帝遣使至楊奉李樂韓暹營求送至雒陽奉等從詔

夏六月劉備與袁術戰於盱眙呂布襲取下邳備降於布遂與并兵擊術

袁術攻劉備以爭徐州備使司馬張飛守下邳自將拒術於盱眙淮陰相持經月更有勝負術與呂布書勸令襲下邳許助以軍糧布引軍東下飛敗走布虜備妻子及將吏家口備收餘兵東取廣陵與術戰又敗饑餓困蹙請降于布布亦忿術軍糧不繼乃召備復以爲豫州刺史與并執擊術使屯小沛布自稱徐



州集覽

淮陰臨淮郡邑屬徐州今淮安府屬縣在淮水南故名淮陰

質實

盱眙縣名注見

秦二世二年一統志云淮陰秦之縣名屬九江郡水經注云淮水東北經淮陰故城即此晉廣陵郡治淮陰東晉劉隗謝安皆於此屯兵始爲重鎮元併入山陽縣故城在淮安府城西四十里

書法

袁術攻備爭徐州也不書書備與術戰何不

也綱目於  
備多恕辭

# 秋七月帝還雒陽

楊奉韓暹奉帝東還張楊以糧迎道路七月至雒陽張楊謂諸將曰天子當與天下共之朝廷自有公卿楊當出扞外難遂還野王楊奉亦出屯梁韓暹董承留宿衛時宮室燒盡百官披荆棘依牆壁間州郡委

輸不至尚書郎以下自出採招集覽

委輸注見高帝五年採招招通

或饑死墻壁間或爲兵士所殺

**質實**

野王縣名注見周赧王五十三年

梁國名注見景帝三年

# 曹操入朝白爲司隸校尉錄尚書事

曹操在許謀迎天子衆以爲山東未定韓暹楊奉負功恣睢未可卒制荀彧曰昔晉文公納周襄王而諸侯景從漢高祖爲義帝縞素而天下歸心自天子蒙塵將軍首唱義兵徒以山東擾亂未遑遠赴今鑾駕旋軫東京榛蕪誠因此時奉主上以從人望大順也東至公以服天下大畧也扶弘義以致英俊大德也四方雖有逆節其何能爲若不時定使豪傑生心後雖爲慮亦無及矣操乃遣曹洪將兵西迎天子董承

等拒之洪不得進議郎董昭以楊奉兵馬最彊而少  
黨援作操書與奉曰方今羣凶猾夏四海未寧必須  
衆賢以清王軌將軍當爲內主吾爲外援今吾有糧  
將軍有兵有無相通足以相濟死生契闊相與共之  
奉得書喜語諸將共表操爲鎮東將軍韓暹矜功專  
恣董承患之因潛召操操乃將兵詣雒陽既至奏韓  
暹張楊之罪帝以暹楊有功詔勿問以操領司隸校  
尉錄尚書事操於是誅有罪賞有功矜死節封董承

等十三人

爲列侯 集覽

恣睢注見秦二世二年旋軫軫車後  
橫木也旋軫猶言回轅榛燕榛鋤臻

反木叢生之貌燕荒叢也王軌軌謂法度也死生契  
闊詩擊鼓篇死生契闊與子成說注契闊勤苦也箋  
云從軍之士與其伍約死也生也相與處勤苦之中  
我與子成相說愛之思志在相存救也契苦結反韓  
詩云契闊約束也孫奕示兒編曰契舊音挈非也當  
作契合之契說如字契合也闊離也謂死生離合與

汝成誓

正誤

以清王軌今按王軌猶言王質實

許縣

名注

見後主建興十年許昌晉文公納周襄王而諸侯景從通鑑前編云周襄王十七年狄人奉叔帶伐周王出奔鄭狄人立叔帶爲王是時晉文公始返國敗楚師於城濮王告急于晉文公帥諸侯伐周而殺叔帶奉王歸周王賜文公爲侯伯漢高祖爲義帝編素而天下歸心事詳漢王邦二年曹洪操之從弟董昭濟陰定陶人

書法

於是董承潛召曹操操遂將兵詣京師既至罪狀韓張帝詔勿問而以操爲司隸校尉則

詔命矣不書詔以書自爲何惡要君也

發明

綱目凡專國之臣於其進爵則必以自爲書之是時操方入朝未有無君之心而書法遽

已如此何哉夫慶賞刑威曰君作福作威惟辟操  
之此行誅有罪賞有功矜死節封董承等十三人  
爲列侯是皆出於天子之命耶抑皆出於操之所  
自爲耶況操擁兵向關脅制朝廷天子在其掌握  
則以自爲司隸校尉書之夫豈過哉觀之荀彧之  
所謀槩以春秋誅心之法參諸綱目之所書而益  
信

# 曹操遷帝于許自爲大將軍封武平侯

操引董昭問計昭曰此下諸將人殊意異今留匡弼  
事執不便惟有移駕幸許耳然朝廷播越新還舊京  
跂望獲安今復徙駕不厭衆心夫行非常之事乃有  
非常之功願將軍筭其多者操曰此孤本志也乃奉  
車駕東遷自爲大將軍封武平侯始立宗廟  
社稷於許自是政歸曹氏天子守位而已  
集覽幸許

幸巡幸也許在潁川括地志云故城在今許州許昌南三十里本漢許縣古許國也跂望索隱曰跂音岐跂望猶言正誤跂望今按跂與企同舉踵以質實一顯望也望也去智切詩跂予望之

志云武平東漢縣名屬陳國晉屬梁國隋省之故城在開封府鹿邑縣東北又注見唐僖宗中和三年

書法

自書張濟迎帝東歸期年而後書帝還雒陽曾未改月而復書還帝于許操之罪可勝誅

哉故書之如郭汜

發明

春秋閏二年書齊人遷陽遷之者彊遷之也僖元年書刑遷于夷儀遷者自遷也建安初

元之事前史皆以遷都許爲文果如所言則天子自遷都許夫復何說而綱目於此乃大不然何哉蓋自董卓肇亂催汜交攻天子奔走荆棘間未聞曹操有勤王之舉今年車駕還洛陽操始入朝其

謀固欲挾天子令諸侯而已初非真有翊扶帝室之心也夫洛邑宗廟所在不幸殘毀正當脩復經理使斯民復見漢官威儀之盛庶可少塞臣子救君父之責今乃棄其故居宮室移駕至許何哉故綱目書曹操遷帝于許則其詞急而有專意況謂之遷帝則所遷者止於帝之一身而宗廟社稷皆棄不顧則漢帝至是亦寄生之君耳昔高祖開基綱目書帝西都洛陽繼書帝西都關中至光武中興則書朱鮪以洛陽降帝入都之其與遷帝于許而不以自遷爲文者相去何止霄壤嗚呼使曹操不出於強遷而漢帝尚能爲有無則當書操奉帝遷都于許矣吁

## 孫策取會稽太守王朗降

孫策引兵渡浙江會稽功曹虞翻說太守王朗曰策善用兵不如避之朗不從發兵拒策於固陵策數戰

不克策叔父靜說策曰朗負阻城守難可卒拔查瀆  
南去此數十里宜從彼據其內所謂攻其無備出其  
不意者也策從之夜多然火爲疑兵分軍投查瀆道  
襲高遷屯朗大驚遣周昕逆戰策破斬之朗遁走策  
追擊大破之朗乃降策自領會稽太守復命翻爲功  
曹待以交友之禮策好遊獵翻諫曰明府喜輕出微  
行從官不暇嚴吏卒常苦之夫白龍魚服困集覽查  
於豫且願少留意策曰君言是也然不能改  
地名屬會稽白龍魚服困於豫且李太白詩白龍改  
常服偶被豫且制誰使爾爲魚徒勞訴天帝士贇曰  
劉向說苑吳王欲從民飲伍子胥諫曰不可昔白龍  
化爲魚漁者豫且射中其目白龍上訴天帝天帝曰  
當是時若安置而形白龍對曰我下清冷之淵化爲  
魚天帝曰魚固人所射也若是豫且何罪白龍天帝  
貴畜也豫且宋國賤臣也白龍不化豫且不射今棄  
萬乘之位而從布衣之士飲酒臣恐其有豫且之患



矣王乃止豫且姓

**質實**

浙江注見秦始皇三十七年  
名也且七余反  
虞翻餘姚人一統志云查瀆

在寧波府定  
海縣東北

**書法**

前書遣其將據吳郡矣於是書取會稽繼又  
書襲廬江取之綱目於孫氏自是無取焉矣

冬十月曹操攻楊奉走之

車駕東還楊奉自梁欲邀之  
不及操征奉奉南奔袁術

以袁紹爲太尉曹操自爲司空

詔書下紹責以地廣兵多而不聞勤王之師但擅相  
討伐紹上書陳懇乃以紹爲太尉紹耻班在曹操下  
辭不受操懼請以大將軍讓紹  
而自爲司空行車騎將軍事

**集覽**

勤王春秋僖二  
十四年天子出

居于鄭明年秦伯將納王狄偃言於晉  
侯曰求諸侯莫如勤王注勤納王也

書法

自哀帝正三公分職以尊董賢而太尉大司  
馬位司空上大將軍位又尊焉操既自爲大

將軍矣於是以紹不受太尉也懼以大將軍讓之  
而自爲司空則讓也曷爲亦貶書自綱目之法苟  
不出於上意  
一以自書之

發明

袁曹一體之人然紹爲太尉則書曰以操爲  
司空則書曰自者國政出於曹而不出於袁

故也

曹操以荀彧爲侍中尚書令荀攸爲軍師郭嘉爲祭酒

操以荀彧爲侍中守尚書令問以策謀之士彧薦其  
從子攸及潁川郭嘉操徵攸與語大悅曰公達非常

人也吾得與之計事天下當何憂哉以爲軍師初郭  
嘉往見袁紹紹甚敬禮之居數十日謂辛評郭圖曰  
袁公徒欲效周公之下士而不知用人之機多端寡  
要好謀無決欲與共濟天下大難定霸王之業難矣  
吾將更舉以求主子盍行乎二人不寤嘉遂去之操  
召見與論天下事喜曰使孤成大業者必此人也嘉  
出亦喜曰真吾主也  
**集覽** 周公之下士下禮下之也  
操表嘉爲司空祭酒  
魯世家周公戒伯禽曰我一沐三握髮一飯三吐哺起以待士猶恐失天下之  
賢人多端寡要多端多謀也寡要少得其至要也祭  
酒胡廣曰官名祭酒者在位之元長也古者賓客得  
主人饌則老者一人先舉酒祭地故以祭酒爲稱舊  
說以爲示  
**正誤** 按多端寡要好謀無決今  
有先也

**書法**

侍中尚書令非司空屬也曷爲書曹操以爲  
侍中尚書令或操謀主也雖爲漢臣直操之

私人而已矣特書  
曹操以交罪之

# 以孔融爲將作大匠

北海太守孔融志在靖難而才疎意廣訖無成功高  
談清教可玩而誦論事考實難可悉行但能張磔網  
羅而目理甚疎造次能得人心久亦不願附也其所  
任多剽輕小才至於尊事名儒鄭玄執子孫禮易其  
卿名曰鄭公卿及清雋之士左承祖劉義遜等皆備  
在座席而不與論政曰此民望不可失也時袁曹公  
孫首尾相連融孤立不與通承祖勸融自託彊國融  
不聽而殺之義遜棄去青州刺史袁譚攻融自春及  
夏戰士餘數百人流矢交集而融猶隱几讀書談笑  
自若城陷乃奔東山曹操與融有舊徵爲將作大匠  
譚既破融威惠甚著其後信  
**集覽** 隱几隱去聲依凭  
任群小肆志奢淫聲望遂衰

必設凡所以依凭之具然非質實北海郡名注見桓  
尊者不之設所以示優寵也

鄭玄北海高密人東山未詳處所惟兖州府費縣西  
北二十里有蒙山一名東山未知是否明者察之將

作大匠官名注見  
桓帝延熹二年

**書法**

再書以何殊融於或也不再書以則融亦操  
之私人矣是故殊王冀於梁冀則再書以順

帝永和元年殊孔融於荀彧則  
再書以綱目賢邪之辨嚴矣哉

# 募民屯田許下州郡並置田官

中平以來民棄農業諸軍並起率乏糧穀饑則寇畧  
飽則棄餘瓦解流離無敵自破者不可勝數袁紹軍  
仰桑椹袁術取給蒲羸棗祇請建置屯田曹操從之  
以祇爲屯田都尉任峻爲典農中郎將募民屯田許

下得穀百萬斛於是州郡例置田官所在倉廩皆滿故操征伐四方無運糧之勞

集覽

瓦解言如

衆瓦之解散

質實

注見峻中年人許下

書法

操所以成霸業者也故屯田許下則書開芍陂屯田則書

發明

兵以食爲本民以食爲天是時諸軍並起率乏糧穀惟操用棗祗之策成足食之功故綱

目書此以予之也

呂布復攻劉備備走歸許詔以爲豫州牧遣東屯沛

袁術畏呂布乃爲子求婚布許之術遣將紀靈等攻劉備備求救於布布曰術若破備則北連泰山諸將吾爲在術圍中不得不救也馳往赴之謂靈等曰玄德布弟也爲諸君所困故來救之靈等乃罷備合兵

得萬餘人布惡之攻備備敗走歸曹操操厚遇之以  
爲豫州牧或謂操曰備有英雄之志今不早圖後必  
爲患操以問郭嘉嘉曰有是然公起義兵爲百姓除  
暴推誠杖信以招俊傑猶懼其未也今備有英雄名  
以窮歸已而害之是以害賢爲名也如此則智士將  
自疑回心擇望公誰與定天下乎夫除一人之患以  
沮四海之望安危之機也不可不察操笑曰君得之  
矣遂益其兵給糧食使東至沛收散兵以圖呂布初  
備在豫州舉袁渙茂才至是爲布所留使作書罵辱  
備渙不可布大怒以兵脅之渙顏色不變笑而應之  
曰渙聞唯德可以辱人不聞以罵使彼固君子邪且  
不耻將軍之言彼誠小人邪將復將軍之意則辱在  
此不在彼且渙他日之事劉將軍猶今日之事集覽  
將軍也如一旦去此復罵將軍可乎布慙而止集覽  
杖信杖上聲左傳襄八年杖莫如質質豫州注見光  
信注人之可倚杖者莫如誠信

年汝南紀靈汝南人袁渙陳郡人沛郡名注見成帝河平二年

**書法**

於是袁術攻備布救却之不書書復攻備何惡反覆也走書歸許牧書詔以綱目於備多

予辭惟其正而已矣史書備走歸操操厚遇之以爲豫州牧

**發明**

分注載呂布救備之事而綱目止書布攻備者布反覆小人不子其救也分注述備歸曹

操而綱目乃書歸許者言歸許則見其歸天子也分注述操以備爲豫州牧而綱目乃書詔以爲豫州牧者言詔則見出於朝廷而非操所得用也惟昭烈有存漢之心綱目有子昭烈之意故其書法如此後此四年書詔備將兵邀袁術其義亦然

張濟攻穰城敗死族子繡以其衆歸荊州



張濟自關中引兵入荊州攻穰城中流矢死荊州官屬皆賀劉表曰濟以窮來主人無禮至於交鋒此非吾意收受弔不受賀也使人納其衆衆聞之喜皆歸心焉濟族子繡代領其衆屯宛初帝既出長安賈詡往依段熲至是歸繡說繡使附劉表繡從之詡往見表表以客禮待之詡曰表平世三公才也不見事變多疑無決張繡武威祖厲人穰城注見周赧王十四年宛縣名注見周赧王十七年質實

## 劉表立學校作雅樂

劉表愛民養士從容自保境內無事學士歸之者以千數表乃起立學校講明經術命故雅樂郎杜夔作雅樂欲庭觀之夔曰今將軍號不爲天子合樂而庭作之無乃不可乎表乃止杜襲繁欽避亂荊州表俱待以賓禮欽數見奇於表襲喻之曰吾所以與子俱來者徒欲全身以待時耳豈謂劉牧當爲撥亂之主

而規長者委身哉子若見能不巳非吾徒也吾與子  
絕矣欽慨然曰請敬受命禰衡少有才辯而尚氣剛  
傲孔融薦之於操衡罵辱操操怒曰禰衡豎子孤殺  
之猶雀鼠耳顧此人素有虛名遠近將謂孤不能容  
之乃送與劉表衡稱表之美盈口而好譏貶其左右  
左右譖之表怒以江夏太守黃祖性急送衡與之後  
衡衆辱祖集覽合樂記月令季春大合樂注大合樂  
祖殺之者所以助陽達物風化天下也其禮  
亡今天子以大射郎國以卿射禮代之質實杜夔河  
數見奇見形同反頻數以奇才見示南人雅  
樂注見梁武帝天監元年杜襲  
穎川定陵人禰衡平原般人

**書法**

書學校雅樂何識也立學校作雅樂則何識  
帝室將領不能出兵匡國而方從事禮文之

事若平世然可謂不知務矣綱目書立學皆美  
也唯鴻都門學劉表學校及宋四學爲譏辭

發明

立學校作雅樂美事也書劉表作此亦予之

乎曰非也是時權臣擅命宗國阡危表兵強地廣不能乘時奮發掃除亂畧而所爲乃爾書非美之正以譏其緩於勤王不知時務云耳

丁丑二年春正月曹操擊張繡降之繡叛襲操殺其子昂

曹操討張繡軍于消水繡舉衆降操納張濟之妻繡恨之襲擊操軍殺操長子昂操中流矢敗走諸軍大亂平虜校尉于禁獨整衆而還道逢青州兵劫掠人禁數其罪而擊之青州兵走詣操禁既至先立營壘不時謁或謂禁宜促詣公辨之禁曰今賊在後追至無時不先爲備何以待敵徐鑿塹安營訖乃入謁具陳其狀操曰消水之難吾猶狼狽將軍在亂能整討暴堅壘有不可動之節雖古名將何以加之於是封益壽亭侯

集覽

消水注見帝玄

質貫

是縣名未詳沿革

以鍾繇爲司隸校尉督關中諸軍

袁紹與操書辭語驕慢操語荀彧郭嘉曰今將討不義而力不敵何如對曰劉項之不敵公所知也今紹有十敗公有十勝紹雖強無能爲也紹繁禮多儀公體任自然此道勝也紹以逆動公奉順以率天下此義勝也桓靈以來政失於寬紹以寬濟寬故不攝公糾之以猛而上下知制此治勝也紹外寬內忌用人而疑之所任唯親戚子弟公外易簡而內機明用人無疑唯才所宜不間遠近此度勝也紹多謀少決失在後事公得策輒行應變無窮此謀勝也紹高議揖遜以收名譽士之好言飾外者多歸之公以至心待人不爲虛美士之忠正遠見而有實者皆願爲用此德勝也紹見人飢寒卹念之形於顏色其所不見慮或不及公於目前小事時有所忽至於大事與四海接恩之所加皆過其望雖所不見慮無不周此仁勝

也紹大臣爭權讒言惑亂公御下以道浸潤不行此明  
勝也紹是非不可知公所是進之以禮所不是正之以  
法此文勝也紹好爲虛勢不知兵要公以少克衆用兵  
如神軍人恃之敵人畏之此武勝也操笑曰如卿所言  
孤何德以堪之嘉又曰紹方北擊公孫瓚可因其遠征  
東取呂布若紹爲寇布爲之援此深害也或亦曰不先  
取呂布河北未易圖也操曰然吾所惑者又恐紹侵擾  
關中西亂羌胡南誘蜀漢是我獨以兗豫抗天下六分  
之五也爲將奈何或曰關中將帥以十數莫能相一唯  
韓遂馬騰最強今若撫以恩德遣使連和雖不能久安  
比公安定山東足以不動侍中鍾繇有智謀若屬以西  
事公無憂矣操乃表繇以侍中守司隸校尉持節督關  
中諸軍特使不拘科制繇至長安移書  
騰遂等爲陳禍福騰遂各遣子入侍  
科條制度得  
便宜從事  
**質實**  
郭嘉潁川陽翟人韓遂金城人  
馬騰扶風人鍾繇潁川長社人

袁術稱帝殺故兗州刺史金尚

袁術以識言代漢者當塗高自云名字應之又以袁氏出陳爲舜後以黃代赤德運之次遂有僭逆之謀聞孫堅得傳國璽拘堅妻而奪之議稱尊號主簿閻象進曰昔周自后稷至于文王積德累功三分天下有其二猶服事殷明公雖奕世克昌未若有周之盛漢室雖微未若殷紂之暴也術默然術聘處士張範範使其弟承謝之術謂曰孤以土地之廣士民之衆欲徵福齊桓擬迹高祖何如承曰在德不在強夫用德以同天下之欲雖由匹夫之資而興霸王之功不足爲難若苟欲僭擬干時而動衆之所棄誰能興之術不悅孫策聞之與術書曰湯武雖有聖德假使時無失道無由逼而取也今主上非有惡於天下徒以幼小脅於彊臣異於湯武之時且董卓貪淫驕陵志無紀極至於廢主自興亦猶未也而天下同心疾之

况效尤而甚焉者乎忠言逆耳駁議致憎苟有益於  
尊明無所敢辭術始料策必與已合及得其書愁沮  
發疾策遂絕之至是僭號於壽春自稱仲家置百官  
郊祀天地沛相陳珪少與術遊術質其子而以書召  
之珪答書曰足下陰謀不軌以身試禍欲吾營私阿  
附有死不能也術欲以金尚爲太尉尚不許而逃去  
術殺

### 集覽

當塗高公路之義也蓋袁術字公路以黃  
代赤德運之次黃土色赤火色德運五德

之運也袁術自謂本舜之後舜有土德今我以土代  
漢火五運之次叙也按劉向五紀論曰庖羲氏繼天  
而王爲百王先始受木德共工氏雖有水德在火木  
之間非其序也神農以火承木故爲炎帝黃帝以土  
代火故爲土德少昊土生金故爲金德顓頊金生水  
故爲水德此五行之運一周矣帝譽以水生木故爲  
木德堯以木生火故爲火德堯禪舜火生土故爲土  
德舜禪禹土生金故爲金德湯放桀以金生水故爲

水德此五行之運再一周矣效尤而甚焉者效學尤過也謂彼作過而我效之也左傳僖二十四年尤而效之罪又甚焉仲

**正誤**

當塗高今按當塗高乃曹魏之讖周禮象魏闕名蓋闕中

通門爲道其上懸法象其狀巍然高大故謂之象魏

袁術字公路

術亦邑中道近於當塗之義故誤認爲

已兆

**質實**

張範脩武人壽春縣名注見秦王政六年

**書法**

先是詔以尚刺兗州操逆擊走之則未上也書故官何子節也是故金尚雖未上而見殺

書故刺史呂範雖印綬未下而卒書大司馬皆予賢也

**發明**

袁術僭逆金尚能不爲所汙故書殺書官於術稱帝之下所以予其死節也

三月以袁紹爲大將軍兼督冀青幽并四州



書法

前書即拜紹爲右將軍繼書以紹爲太尉於是又書以紹爲大將軍兼督冀青幽并四州

與書自爲者亦異矣然則予之毀譏也其譏何紹不勤王綱目歷書其恩數所以愧之也

○夏五月蝗○以呂布爲左將軍布擊袁術兵破之考

異

按術借號當書布討袁術破其兵

袁術遣使以稱帝告呂布因求迎婦布遣女隨之陳珪恐徐揚合從爲難未已往說布曰曹公奉迎天子輔贊國政將軍宜與協同策謀共存大計今與術結昏必受不義之名將有累卵之危矣布亦怨術初不已受也女已在塗乃追還絕昏械送其使梟首許市珪欲使子登詣曹操布固不肯會詔以布爲左將軍操復遺布手書深加慰納布大喜即遣登奉章謝恩并答操書登見操因陳布勇而無謀輕於去就宜早

圖之操即增珪秩中二千石拜登廣陵太守令陰合部衆爲內應始布因登求徐州牧不得登還布怒拔戰斫几曰卿父勸吾協同曹操絕婚公路今吾所求無獲而卿父子顯重但爲卿所賣耳登不爲動徐對之曰登見曹公言養將軍譬如養虎當飽其肉不飽則將噬人公曰不如卿言譬如養鷹飢即爲用飽則飛去其言如此布意乃解哀術遣其大將張勲等與連楊奉步騎數萬七道攻布布懼不敵珪曰還奉與術乎合之師耳謀無素定不能相維子登策之比連誰執不俱棲立可離也布用珪策與還奉書曰二將軍親拔大駕而布手殺董卓俱立功名今奈何與袁術同爲賊乎不如相與并力破術爲國除害且許悉以術軍資與之還奉大喜從布進軍還奉兵同時叫呼並到勲營勲等散走殺傷墮水死者殆盡泰山賊帥臧霸破莒得其資實布自往求之其督將高順諫曰將軍威名遠近所畏何求不得而自行求賂

萬一不克豈不損邪布不從霸等拒之無獲而還順  
爲人清白有威嚴少言辭所將七百餘兵號令整齊  
每戰必克布後疎順以魏續有內外之親奪其兵以  
與續當戰則復令順將順亦終無恨意布性決易所  
爲無常順每諫曰將軍舉動不肯詳思忽有失  
得動輒言誤誤豈可數乎布知其忠而不能從  
破莒莒縣在齊地今莒州是春  
秋莒子國也決易性不定也  
正誤  
布性決易今按

變易不復  
致思也

**質實**

東漢屬琅邪國魏於莒縣置城陽國治

晉及後魏以縣屬東莞郡北齊屬東安郡後周置莒  
州隋罷州以縣屬琅邪郡唐置莒州後罷宋以縣屬  
密州金改置莒州治莒縣元仍舊至國朝省莒縣入  
馬仍屬青州府廣陵郡名注見武帝元朔五年淮南  
累卵之危說苑晉荀息曰臣能累十二碁子加九卵  
於上靈公曰危哉息曰不危公造九層臺三年不成

男不耕女不織亦甚危矣公遂止

書法

術稱帝國賊也曷爲不書討不以討予布也布則曷爲不以討予之布非知大義者也微

陳珪則布亦冠婚媾矣

袁術遣盜殺陳王寵

初陳王寵有勇善射黃巾賊起寵治兵自守國人畏之不敵離叛國相駱俊素有威恩鄰郡人多歸之有衆十餘萬袁術求糧俊拒絕之術遣客詐殺俊及寵陳由是破敗

質實

陳國名注見周赧王三十

年六

以孫策爲會稽太守討袁術○秋九月曹操擊袁術走

破之考異

擊亦當作討走破  
當從提要作破走

曹操東征袁術術棄軍走留其將橋蕤等拒操操擊斬之術走渡淮時天旱歲荒士民凍餒術由是遂衰沛國許褚勇力絕人聚衆歸操

操曰此吾樊噲也即日拜都尉

質實

沛國注見成帝河平二年沛

書法

以者何上命也故策得書討然則操書擊何操漢賊也以賊擊賊而已矣一袁術也策書

討操書擊綱目  
之權衡審矣

下故太尉楊彪獄尋赦出之

楊彪與袁術昏姻曹操惡之奏收下獄劾以大逆孔融聞之不及朝服往見操曰楊公四世清德海內所瞻父子兄弟罪不相及况以袁氏歸罪楊公乎操曰此國家之意融曰假使成王殺召公周公可得言不

知乎操使許令滿寵按彪獄融與荀彧皆屬寵勿加  
考掠寵無所報考訊如法數日求見曰楊彪考訊無  
他辭語此人有名海內若罪不明白必大失民望竊  
爲明公惜之操即日赦出彪彪見漢室衰微政在曹  
氏遂稱脚攣積十餘年

集覽

許令滿寵潁川郡許縣

通曰荆蠻有瞞氏  
音舛變爲滿耳

質實

見漢獻帝興平元年許昌注

以金尚子瑋爲郎中

馬日磾喪至京師朝廷議欲加禮孔融曰日磾以上  
公之尊秉旄節之使而曲媚姦臣爲所牽率聖上哀  
矜未忍追棄不宜加禮朝廷從之尚  
喪至詔百官弔祭拜其子瑋爲郎中  
集覽 秉髦節之  
使事在興  
平元  
年

書法

拜官未有書某子者書金尚子何子節也是故譏其私則初書馬惠子桓帝永興二年予

其節則璋書金尚子本其功則朗書鄧艾孫晉初癸巳年皆綱目之特筆也

發明

若曰以金璋為郎中豈不言簡而意足然必曰金尚子璋者所以褒死節之誼故特表而

出之為世勸也

劉備誘楊奉殺之

韓暹楊奉寇掠徐揚間劉備誘奉斬之暹與郭汜胡才皆為人所殺李樂病死

發明

楊奉宜書誅而不書者誘而殺之不得為天討也

戊寅 三年春曹操復擊張繡

荀攸曰繡與劉表相恃為彊然繡以遊軍仰食於表表不能供也執必乖離不如緩之可誘而致也若急之其執必相救操

**質實**

一統志云荀攸潁川潁陰人或不從園繡於穰

王十  
四年

夏四月詔將軍段煨等討李傕夷三族○曹操引兵還五月劉表救張繡操擊破之繡復追敗操軍

初袁紹每得詔書患其有不便於己者欲移天子自近使說曹操以許下埤涇雒陽殘破宜徙都鄆城以就全實操拒之田豐曰徙都之計既不克徙宜早圖許奉迎天子動托詔書號令海內此筭之上者不爾終為人所禽雖悔無益也紹不從而亡卒有以豐謀白操者操解穰圍而還張繡率眾追之劉表遣兵救



繡屯於安衆守險以絕軍後操與荀彧書曰吾到安衆破繡必矣及到安衆操軍前後受敵操乃夜鑿險僞遁表繡悉軍來追操縱奇兵夾攻大破之他日或問其故操曰虜過吾歸師而與吾死地吾是以知勝矣繡之追操也賈詡止之繡不聽敗還詡登城謂曰促更追之更戰必勝繡從之果以勝還乃問詡曰繡以精兵追退兵而公曰必敗以敗卒擊勝卒而公曰必克悉如公言何也詡曰將軍雖善用兵非曹公敵也曹公軍新退必自斷後故知必敗曹公既無失策力未盡而一朝引退必國內有故也已破將軍必輕軍速進留諸將斷後諸將雖勇非將軍集覽

集覽

部靡反

軍速進留諸將斷後諸將雖勇非將軍

集覽

部靡反

下也涇古濕字春秋國語曰松栢之木不質實

質實

志云

生埤涇安衆索隱曰南陽郡有安衆縣屬義陽郡南

安衆漢之縣名屬南陽郡晉改安昌縣屬義陽郡南

北朝爲穰縣北鄉地金初置陽管鎮後始置鎮平

欽定四庫全書

御批資治通鑑綱目

卷十三

三

縣屬南陽府至本朝初省入南陽縣尋復置於南陽府故城在府城西南三十里漢劉崇封

邑此鄆城縣名注

見周烈王六年鄆

秋九月呂布復攻劉備冬曹操擊布殺之

呂布復與袁術通遣高順張遼攻劉備九月破沛城虜備妻子備單身走曹操欲自擊布諸將皆曰劉表張繡在後而遠襲呂布其危必也荀攸曰表繡新破勢不敢動布勢又恃袁術若從橫淮泗間豪傑必應之今乘其初叛衆心未一往可破也操曰善比行泰山七帥咸與皆附於布操與劉備遇於梁進至彭城陳宮謂布宜逆擊之以逸擊勞無不克也布曰不如待其來攻蹙著泗水中十月操屠彭城廣陵太守陳登率郡兵爲操先驅進至下邳布屢戰皆敗還保城不敢出欲降陳宮曰曹操遠來勢不能久將軍

若以步騎出屯於外宮將餘衆閉守於內若向將軍  
宮引兵而攻其背若但攻城則將軍救於外不過旬  
月操軍食盡擊之可破也布然之布妻曰宮與高順  
素不和必不同心共守如有蹉跌將軍當於何自立  
乎且曹氏待公臺如赤子猶舍而歸我今將軍厚公  
臺不過曹氏而欲委全城捐妻子孤軍遠出若一旦  
有變妾豈得復爲將軍妻哉布乃止張楊素與布善  
欲救之不能乃出兵遙爲之執十一月楊將楊醜殺  
楊以應操別將眭固復殺醜將其衆北合袁紹楊性  
仁和無威刑下人謀反發覺對之涕泣輒原不問故  
及於難操圍下邳久疲敝欲還荀攸郭嘉曰呂布勇  
而無謀今屢戰皆北銳氣衰矣三軍以將爲主主衰  
則軍無奮意陳宮有智而遲今及布氣之未復宮謀  
之未定急攻之布可拔也乃引沂泗灌城月餘布益  
困迫十二月布將魏續等共執陳宮高順率其衆降  
布登白門樓兵圍之急布令左右取其首詣操左右

不忍乃下降布見操曰明公之所患不過於布今已服矣若令布將騎明公將步天下不足定也操命緩布縛劉備曰不可明公不見呂布事丁建陽董卓師乎操領之操謂宮曰奈卿老母妻子何宮曰宮聞以孝治天下者不害人之親施仁政於天下者不絕人之祀老母妻子存否在明公不在宮也操未復言宮請就刑遂出不顧操爲之泣涕并布順皆繼殺之召宮母養之終其身嫁宮女撫視其家皆厚於初張遠臧霸等皆降初操在兗州以徐翕毛暉爲將及兗州亂翕暉皆叛亡命投霸操語備令霸送二首霸曰霸所以能自立者以不爲此也霸受主公生全之恩不敢違命然王霸之君可以義告願將軍爲之辭備以霸言白操歎息謂霸曰此古人之事而君能行之集孤之願也以翕暉爲太守陳登以功加伏波將軍

覽

梁注見景帝三年睢陽彭城注見秦始皇二十八  
年蹇著蹇子六反迫也著陟畧反置也公臺陳宮

字別將。睦，固別猶副也。睦，固姓名。睦音携，屢戰皆北。  
服虔曰：人好陽而惡陰，北方幽陰之地，故軍敗曰北。  
左傳：文十六年，楚侵庸，七遇皆北。注：遇，接戰也。軍走，  
曰北。列子：力命篇，管仲曰：吾嘗三戰三北。沂，泗說文，  
沂水出東海費縣，東西入泗。酈道元云：沂水出泰山，  
蓋縣南過下邳，入泗。泗水注見秦始皇二十八年白  
門徐州城門名。陳后山詩：只有青樓與白門。事：丁建  
陽、董太師、建陽、丁原、字太師、董卓也。呂布先以弓馬  
驍武，給并州刺史。丁原原甚見親待，董卓誘布殺原，  
而并其兵。卓因愛信之，誓爲父子。後王允誅卓，使布  
爲內應，布遂刺殺卓。額之索隱曰：正誤。睦，固今按玉  
額之謂首肯也。杜預曰：搖頭也。正誤。睦，固今按玉  
人姓，其音携者，目深惡貌。集覽：第二十二卷睦，遂息  
爲切，與胥規切同音。額之今按：搖頭不肯也。與首肯  
正相反。當以質實從橫注見。周安王十五年，張遼馬  
前說爲是。

**質實**

從橫注見周安王十五年張遼馬  
邑人泰山郡名注見秦始皇二十

八年淮水名注見後主延興二年下邳國名注見高  
帝六年沂水源發兗州府曲阜縣東南五十里尼山  
之麓西流入泗水論語浴乎沂即此又沂州東南亦  
有沂水其源發自青州府沂水縣東南流至沂州與  
沭水合禹貢淮  
沂其乂是也

### 以劉備爲左將軍

備從操還許操表以  
爲左將軍禮之愈重

### 以孫策爲討逆將軍封吳侯

孫策遣張紘獻方物曹操欲撫納之表策爲討逆將  
軍封吳侯以紘爲侍御史袁術以周瑜爲居巢長臨  
淮魯肅爲東城長瑜肅知術無成棄官渡江從策策  
自將討祖郎於陵陽禽之謂曰爾昔襲孤斫孤馬鞍

今創軍立事除棄宿恨汝勿恐怖即破械署門下賊曹又討太史慈於甬里禽之解縛捉其手曰寧識神亭時邪若卿爾時得我云何慈曰未可量也策大笑曰今日之事當與卿共之聞卿有烈義天下智士也但所託未得其人耳孤是卿知己勿憂不如意也即署門下督軍還祖郎太史慈俱在前導軍人以爲榮會劉繇卒於豫章揚州士衆萬餘人欲奉華歆爲主歆以爲因時擅命非人臣所宜謝遣之其衆未有所附策命慈往撫安之謂曰劉牧往責吾爲袁氏攻廬江吾先君兵數千人盡在公路許吾志在立事安得不屈意以求之乎共後不遵臣節諫之不從丈夫義交苟有大故不得不離吾交于公路及絕之本末如此恨不及其生時與共論辨也今兒子在豫章卿往視之并宣孤意於其部曲樂來者與俱來不樂者且安慰之并觀華子魚所以牧御方規何如卿須幾兵多少隨意慈曰兵不宜多將數十人足矣左右皆曰

慈必不還策曰子義捨我當復從誰子義雖氣勇有  
膽烈然非縱橫之人其心秉道義重然諾一以意許  
知已死亡不相負諸君勿憂也果如期而慈反謂策  
曰華子魚良德也然無他方規自守而已僮芝自擅  
廬陵番陽別立宗部海昏上繚不受發召子

**集覽**

陽

魚但視之而已策拊掌大笑遂有兼并之志宣城郡屬縣晉成帝時改廣陽縣今寧國府宣城縣  
有陵陽山一峯爲疊嶂樓一峯爲譙樓一峯爲景德  
寺賊曹除署爲門下賊曹以主盜賊之事識神亭時  
識音志記也興平二年策攻劉繇於曲阿時慈爲繇  
將遇策於神亭二人前鬪會兵赴而解散劉牧往責  
吾爲袁氏攻廬江劉牧謂劉繇也繇先爲揚州刺史  
廬江隸馬興平二年袁術使孫策攻廬江故劉繇往  
嘗責讓策也盡在公路許先孫堅有兵數千爲袁術  
所并後以餘兵千餘人還策故云盡在公路許按許  
猶言處也晉山簡傳兒童歌曰山公出何許往至高



陽池又杜甫詩何許一黃鸝一以意許知已一專壹也一以其意自許知已之交則雖死不負僅芝姓名也廬陵東漢置廬陵郡三國吳置安成郡隋改安福縣後又改廬陵郡唐改吉州宗部宗帥部曲也**正**

**誤**

海昏上繚今按海昏上繚二縣名屬豫章郡水經註繚作僚音同

**質實**

一統志云吳秦之縣

名爲會稽郡治所東漢永建中置吳郡治此晉宋齊因之陳於縣置吳州隋唐屬蘇州宋爲平江府治元仍舊國朝因之改爲蘇州治所仍屬焉居巢縣名注見秦二世二年臨淮郡名注見新莽天鳳四年東城漢之縣名屬九江郡即秦之曲陽縣也東漢爲西曲陽縣晉屬淮南郡梁改曰豐城縣置定遠郡尋改郡曰廣安縣曰定遠南齊改廣安曰大安郡隋罷郡改縣曰臨濠唐初復爲定遠縣宋元仍舊至本朝因之

吳置石埭場梁因置石埭縣以有兩石橫亘溪

上如隸故名隋省入南陵唐復置宋元仍舊名本朝  
因之改屬池州府子魚華歆表字廬陵漢之縣名屬  
豫章郡東漢末孫策於縣置廬陵郡晉徙郡治石陽  
縣隋與郡置吉州改石陽爲廬陵縣唐永淳初州徙  
今治縣亦隨徙宋元仍舊至本朝因之爲吉安府治  
所仍屬焉番陽秦之縣名屬九江郡以在鄱水之北  
故名漢屬豫章郡吳以後屬鄱陽郡隋唐宋饒州治  
此元仍舊至本朝因之爲饒州府治所仍屬焉海昏  
漢之縣名屬豫章郡東漢置建昌縣晉以海昏縣省  
入仍屬豫章隋屬洪州唐初於縣置南昌州尋廢州  
以縣仍屬洪州宋屬南康軍元陞爲建昌州至本朝  
仍改爲縣屬南康府上隸漢之縣名屬豫章郡晉初  
廢之故縣址在南康府城東北七十里子義太史總表字

書法

前書以爲會稽太守討袁術矣此書以爲討  
逆將軍果予策以討賊乎再命討術而未聞

出一兵殺一賊書所以愧之也  
綱目於孫氏自堅以後無取焉

### 袁紹攻公孫瓚圍之

袁紹連年攻公孫瓚不能克欲與釋憾連和瓚不答而增脩守備紹於是大興兵以攻瓚先是瓚別將有為敵所圍者瓚不救曰救一人使後將恃救不肯力戰及紹來攻瓚南界別營知不見救或降或潰紹軍徑至其門瓚衆日蹙

發明

劉虞擊瓚則書討袁紹擊瓚則書攻者紹私自封殖務相併吞其實亦一瓚耳豈得與受

其節度仗義攻討者比而同之哉

己卯  
四年春三月瓚自焚死

黑山帥張燕率兵救瓚，瓚密使人齎書使起火為應。瓚欲自內出，戰紹候得其書，如期舉火。瓚遂出，戰紹設伏擊之。瓚大敗，復還。自守，紹為地道穿其樓下，燒之。樓輒傾倒。稍至京中，瓚乃悉縊其姊妹妻子。然後引火集覽。

黑山帥張燕黑山賊號張燕即褚飛燕稍自焚。集覽至京中公孫瓚臨易河築京以自固。稍至

京中謂地道稍漸穿入京城中也。

正誤

京中今按說文京人所為絕高丘也。先是瓚築京高十丈。

以居京中。質實

一統志云京中即易京城。中也在保定府雄縣境南。臨易水。漢公孫瓚據

幽州有童謠云：燕南垂，趙北際，中央不合帶如礪。惟有此中可避世。瓚以易京地當之，迺築城以自固。脩營壘，樓觀積穀於中，尋為袁紹所破。

詔漁陽太守鮮于輔都督幽州

漁陽田豫說太守鮮于輔曰曹氏奉天子以令諸侯然能定天下宜早從之輔乃率其衆以奉王命詔以輔爲建忠將軍質實漁陽郡名注見秦王政三年都督幽州六郡

### 袁紹承制以烏桓蹋頓爲單于

初烏桓王丘力居死子樓班年少從子蹋頓有武畧代立袁紹攻公孫瓚蹋頓助之紹承制皆賜以單于印綬又以閭柔得烏桓心因加寵慰以安北邊其後諸部奉樓班爲單于以蹋頓爲王然蹋頓猶秉計策以董承爲車騎將軍○夏袁術北走詔劉備將兵邀之

### 術還走死

術既稱帝淫侈滋甚膳御數百無不兼羅紈厭梁肉自下饑困莫之收卹既而資實空盡不能自立乃燒

宮室犇其部曲陳簡復爲簡所拒士卒散走不知所  
爲乃遣使歸帝號於紹袁譚迎術欲從下邳北過曹  
操遣劉備邀之復走壽春六月至江亭坐簣牀而嘆  
曰袁術乃至此乎因憤慨嘔血死術從弟胥率其部  
曲奉術柩及妻子犇廬江太守劉勲於**集覽**皖城皖  
皖城故廣陵太守徐璆得傳國璽獻之**集覽**皖城皖  
反春秋時皖國故城在皖山南百里郡縣志云漢廬  
江郡統縣十二皖城其一也唐改舒州宋陞安慶府  
今新城南濱大江西**質實**下邳國名注見高帝六年  
北去故城百二十里**質實**壽春縣名注見秦王政四  
年廣陵郡名注見武帝元朔五年淮南國廬江郡名  
注見景帝四年一統志云皖城古郡名春秋時爲皖  
國漢爲皖縣屬廬江郡三國吳爲皖城縣東晉改爲  
懷寧縣隋熙州唐舒州皆治於此宋元仍舊至國朝  
因之改爲安慶府治所仍屬焉故城  
在縣皖水之北吳孫權克皖城即此

書法

詔者何上命也備之歸許也史稱操厚遇之

以爲豫州牧綱目則書詔以其從操擊布而

歸也史稱操表爲左將軍綱目則止書以其邀袁

術也史稱操遣備綱目則書詔所以殊備於操也

殊備於操者全備也故

曰綱目於劉備多恕辭

秋八月曹操進軍黎陽九月還許分兵守官渡

袁紹益驕貢御稀簡簡精兵十萬騎萬匹欲以攻許  
沮授諫曰近師出歷年百姓疲敝倉庫無積未可動  
也宜務農息民遣使獻捷若不得通乃表曹操隔我  
王路然後進七黎陽漸營河南益作舟船繕脩器械  
分遣精騎抄其邊鄙令彼不得安我取其逸如此可  
坐定也郭圖審配曰以明公之神武引彊衆以伐曹  
操易如覆手何必乃爾授曰夫救亂誅暴謂之義兵  
恃衆憑彊謂之驕兵義者無敵驕者先滅曹操奉天

子以令天下今舉師南向於義則違且廟勝之策不在強弱曹操法令既行士卒精練非公孫瓚坐而受攻者也今棄萬安之術而興無名之師竊爲公懼之圖配曰武王伐紂不爲不義況兵加曹操而云無名且以公今日之彊將士思奮不及時以定大業所謂天與不取反受其咎監軍之計在於持守而非見時知幾之變也紹納圖言圖等因是譖授曰授監統內外威震三軍紹乃分授所統使與郭圖淳于瓊各典一軍許下諸將聞紹南兵皆懼曹操曰吾知紹之爲人志大而智小色厲而膽薄忌克而少威兵多而分畫不明將驕而政令不一土地雖廣糧食雖豐適足以爲吾奉也孔融謂荀彧曰紹土廣兵彊田豐許攸智士也爲之謀審配逢紀忠臣也任其事顏良文醜勇將也統其兵殆難克乎彧曰紹兵雖多而法不整豐剛而犯上攸貪而不治配專而無謀紀果而自用此數人者孰不相容必生內變願良文醜一夫之勇



耳可一戰而禽也八月操進軍黎陽使臧霸等

集覽

八青州于禁屯河上九月操還許分兵守官渡

黎陽注見成帝綏和二年廟勝之策注見宣帝神爵

元年河上齊景公時晉伐阿甄而燕侵河上正義曰

黃河南岸地即滄德二州北界官渡在河南滎陽縣

東南二十里於滎陽下引河東南爲鴻溝之界宋鄭

陳蔡曹衛與濟汝淮

質實

縣一統志云顏良新河人許

昌武王伐紂按史記云周武王名發文王之子聞

紂無道斷喪忠良乃遣兵伐之紂兵戰敗紂走於

鹿臺之上衣珠玉自燔于火而死武王斬紂頭懸於

木亡之旗諸侯尊武王爲天子是爲西周之太祖許

注見獻帝建安十三年臧霸泰山華人官渡城名

左見封府中牟縣北漢末曹操與袁紹相持於官渡

冬十一月張繡來降

卷十三

袁紹遣人招張繡并與賈詡書結好繡欲許之詡於  
紹上顯謂紹使曰歸謝袁本初兄弟不能相容而  
能容天下國士乎繡謂詡曰若此當何歸詡曰不如  
從官公繡曰袁強曹弱又先與曹爲讐從之如何詡  
曰此乃所以宜從也夫曹公奉天子以令天下其宜  
從一也紹強盛我以少衆從之其必不以我爲重曹  
公衆弱其得我必喜宜從二也夫有霸王之志固將  
不怨以明德於四海其宜從三也願將軍無疑十  
月繡率衆降操執手歡宴  
拜爲武將軍表詡爲執金吾

復置鹽官徙司隸校尉治弘農

中諸將以袁曹方爭皆中立顧望涼州牧韋端使  
從事楊阜詣許阜還諸將問袁曹勝敗阜曰袁公寬

而不斷好謀而少決不斷則無威少決則後事今雖  
強終不能成大業曹公有雄才遠畧決機無疑法一  
而兵精能用度外之人所任各盡其力必能濟大事  
者操使御史衛覬鎮撫關中時四方大有還民諸將  
多引爲部曲覬書與荀彧曰關中膏腴之地頃遭荒  
亂人民流入荊州者十萬餘家今歸者無以自業諸  
將各競招懷以爲部曲郡縣貧弱不能與爭兵家遂  
彊一旦變動必有後憂夫鹽國之大寶也亂來放散  
宜如舊置使者監賣以其值益市犂牛若有歸民以  
供給之勤耕積粟以豐殖關中遠民聞之必日夜競  
還又使司隸留治關中以爲之主則諸將日削官民  
日盛此強本弱敵之利也或以白操從之關中由是  
服

從質實

楊阜天水冀人  
衛覬安邑人

# 劉表遣從事中郎韓嵩詣許

袁紹使人求助於劉表表許之而竟不至亦不援曹操從事中郎韓嵩曰今兩雄相持天下之重在於將軍若欲有爲起來其敝可也如其不然固將擇所宜從曹操善用兵賢俊多歸之其執必舉袁紹然後移兵以徇江漢恐將軍不能禦也今莫若舉荊州以附曹操操必重德將軍長享福祚此萬全之策也表狐疑不斷乃遣嵩詣許曰君爲我觀其釁嵩曰聖達節次守節嵩守節者也夫君臣名定以死守之今策名委質唯將軍所命雖赴湯蹈火死無辭也將軍能上順天子下歸曹公使嵩可也如其猶豫嵩至京師天子假嵩一職不獲辭命則成天子之臣將軍之故吏耳在君爲君則嵩守天子之命義不得復爲將軍死也惟加重思無爲負嵩表強之至許詔拜嵩侍中零陵太守及還盛稱朝廷之德勸表遣子入侍表大怒以爲懷貳大會陳兵將斬之嵩不爲動徐曰將軍負嵩嵩不負將軍具陳前言表乃囚之

**集覽**

聖達

節次守節注見  
靈帝中平四年  
**質實** 零陵郡名注見晉  
武帝太康元年

**書法**

書詣許何非朝貢也表於綱目僅一再書書其恩命及立學校作雅樂而已不聞其有勤

王之舉也今者遣嵩徒使窺朝廷耳書曰遣詣許罪表也然嵩之歸也盛稱朝廷勸遣侍子可謂知

大義者矣  
故特書官

**發明**

是時袁曹方相持未決而鑾駕在許表兵強地廣非惟不能擇所宜從且昧於朝宗之義

故綱目於此不書遣嵩入朝則見其有無君之心而書遣嵩詣許則見其有顧望觀釁之意然則表之罪可勝誅哉若夫韓嵩特書其官者蓋美嵩能盡使人之職知君臣之義不失官守而非以是予表也鳴呼微矣

孫策襲廬江取之狗豫章太守華歆降

廬江太守劉勲以袁術部曲衆多不能贍遣從弟偕求米於上繚諸宗帥不能滿數偕召勲使襲之孫策惡勲兵彊僞卑辭以事勲請出兵以爲外援劉曄曰上繚雖小城堅池深攻難守易不可旬日而舉也兵疲於外而國內虛策乘虛襲我則後不能獨守是將軍進屈於敵退無所歸若軍必出禍今至矣勲不聽遂伐上繚至海昏宗帥皆逃了無所得時策引兵西擊黃祖行及石城聞勲在海昏策乃與周瑜襲皖城克之得術勲妻子撫視之及其部曲三萬餘人攻勲破之勲北歸許策收其餘兵得二千餘人及船千艘遂進擊祖劉表遣將來救策與戰大破之獲船六千艘策盛兵將狗豫章屯于椒丘謂虞翻曰華子魚自無所傷害卿便在前具宣孤意翻乃往見華歆曰竊

聞明府與鄙郡故王府君齊名中州常懷瞻仰歆曰  
孤不如王會稽也翻復曰不審豫章資糧器仗士民  
勇果孰與鄙郡歆曰大不如也翻曰明府言不如王  
會稽謙光之譚耳精兵不如會稽實如尊教孫討逆  
智畧超世用兵如神前定劉揚州君所親見南定鄙  
郡亦君所聞也今守孤城資糧不足不早爲計悔無  
及也今大軍已次椒丘明日遣吏齎迎策便進軍歆葛巾  
辭矣歆乃夜作檄明日遣吏齎迎策便進軍歆葛巾  
迎策策曰府君年德名望遠近所歸策年幼稚宜修  
子弟之禮便向歆拜禮爲上賓收載劉繇喪善遇其  
家孫盛曰歆既無夷皓韜勲之風又失王臣匪躬之  
節撓心交臂位奪節墮咎孰大焉○功曹魏騰忤策  
意策將殺之策母吳夫人倚大井謂曰汝新造江南  
其事未集方當優賢禮士捨過錄功魏功曹在公盡  
規汝今日殺之則明日人皆叛汝吾不忍  
見禍之及當先投此井中耳策大驚釋之

**集覽**

石城  
注見

晉成帝咸康五年又注見梁簡文帝大寶元年豫章  
左傳昭十三年楚師還自徐吳人敗諸豫章杜預曰  
定二年楚人伐吳吳人見舟于豫章而潛師于巢以  
軍楚師於豫章四年柏舉之役吳人舍舟于淮泗自  
豫章與楚夾漢此時當在江北淮水南蓋後徙在江  
南豫章又江州圖經云豫章當在尋陽之北按古尋  
陽亦在江北即蘭城也高帝六年分淮南十八縣置  
豫章郡今江州治也漢末豫章入吳又徙治南昌隋  
唐改洪州宋陞隆興府椒丘前書司馬相如傳出乎  
椒丘之闕郭璞曰椒丘丘名索隱曰按西山俱起象  
雙闕故云椒丘之闕離騷經馳椒丘且焉止息鄱郡  
故王府君虞翻會稽人自謙稱其郡曰鄱郡也故王  
府君謂前會稽太守王朗也元年孫策擊朗降之之  
譚譚與談通莊子曰何不譚我於王劉揚州揚州刺  
史劉繇也葛巾葛絺綌草也可以爲布後書郭泰行  
遇雨中一角墊時人乃故折巾一角號曰林宗巾注



中以葛爲之其形如恰居士野人所服無夷皓韜邈之風夷謂伯夷皓謂四皓言無此輩韜光隱晦之遺風失王臣匪躬之節易蹇卦王臣蹇蹇匪躬之故伊川傳曰中正之人爲中正之君所信任故謂之王臣志在濟君於蹇難之中其艱蹇至甚故爲蹇於蹇也其蹇蹇者非爲身之故撓心交臂本作撓心於邪儒之說交臂於陵肆之徒注撓女教反屈也

**正誤** 撓心交臂今按此本三國志華歆傳注文交臂猶言手相接也莊子交一臂而失之言華歆爲虞翻所說枉撓其心而與孫策相見相接也

**質實** 一志云劉曄淮南壽春人豫章郡名注見武帝元鼎五年城丘地名在南昌府城北一百四十里漢末孫策築城于此號城丘城

曹操復屯官渡○劉備起兵徐州討曹操操遣兵擊之

初董承稱受帝衣帶中密詔與劉備謀誅曹操從容謂備曰今天下英雄惟使君與操耳本初之徒不足數也備方食失匕箸值雷震備因曰聖人云迅雷風烈必變良有以也遂與承及种輯等同謀會操遣備邀袁術借道殺徐州刺史留關羽守下邳身還小沛郡縣多叛操爲備備衆數萬人遣使與袁紹連和操遣長史劉岱擊之不克備謂曰使汝質實劉岱牟百人來無如我何曹公自來未可知耳

**質實**

劉岱牟平人

也弟

**書法**

紹嘗南兵矣不書書曹操進軍及書紹進軍黎陽則書攻不書討討賊義重綱目重以予

人也必若劉備然後可以書討矣

**發明**

自曹操劫遷天子以來天下已非漢有董承以元舅之尊親承密詔與昭烈謀誅操而不

克故昭烈在徐因遂起兵然前史未有書其討操者獨范史載董承等受密詔誅操其立義頗精然不言昭烈討操之舉至陳壽志魏反謂董承等謀反伏誅其謬妄無理莫甚於此及其志蜀始於昭烈稱漢中王之下錄其與董承等同謀誅操之語此則實事難泯不可得而曲說者也綱目於此特筆起義其曰起兵徐州討曹操者正所以扶三綱立人極誅亂臣賊子於千百載之下使古今大義無時而不明要使逆亂之徒終無以自立於天下其垂世教也大矣故曰綱目修而亂臣賊子懼

庚辰五年春正月操殺車騎將軍董承遂擊備破之備奔

北異州

董承謀洩操殺承等皆夷三族操欲自討劉備諸將皆曰與公爭天下者袁紹也今紹方來而棄之東紹

乘人後若何操曰劉備人傑也今不擊必爲後患郭  
嘉曰紹性達而多疑來必不速備新起衆心未附急  
擊之必敗操師遂東田豐說袁紹曰曹劉連兵未可  
卒解公舉軍而襲其後可一往而定紹辭以子疾豐  
舉杖擊地曰嗟乎遭難遇之時而以嬰兒病失其會  
惜哉事去矣操擊劉備破之獲其妻子進拔下邳禽  
關羽備奔青州歸袁紹紹去鄴二質實冀州注見秦  
百里迎之駐月餘亡卒稍歸之二世二年信  
都國下邳郡名注見高帝六年青州注見桓  
帝永康元年鄴縣名注見晉懷帝永嘉六年

**書法**

董承與備同謀誅操事泄被殺則曷爲不書  
故書殺書故是以討賊與承矣其不以討賊

予承何也操  
之入承爲之

二月曹操還官渡袁紹進軍黎陽夏四月紹遣兵攻白

馬操擊破之斬其將顏良文醜

操還官渡紹乃議攻許田豐曰曹操既破劉備則許下非復空虛且操善用兵衆雖少未可輕也今不如以久持之外結英雄內脩農戰然後簡其精銳乘虛迭出救右則擊其左救左則擊其右使我未勞而彼已困不及三年可坐克也今釋廟勝之策而決成敗於一戰若不如志悔無及也紹不從豐彊諫紹械繫之於是移檄州郡數操罪惡二月進軍黎陽沮授臨行會其宗族散財與之曰執存則威無不加執亡則不保一身哀哉紹遣顏良攻白馬沮授曰良性促狹雖驍勇不可獨任紹不聽四月操攻白馬荀攸曰今兵少不敵必分其勢乃可公到延津若將渡兵向其後者紹必西應之然後輕兵襲白馬掩其不備顏良可禽也操從之紹分兵西操乃引軍兼行趣白馬良來逆戰關羽望見良麾蓋策馬刺良於萬衆之中斬

其首而還紹軍莫能當遂解白馬之圍徙其民而西  
紹渡河追之沮授曰勝負變化不可不詳今宜留屯  
延津分兵官渡若其克獲還迎不晚設其有難衆弗  
可還紹不從授臨濟歎曰上盈其志下務其功悠悠  
黃河吾其濟乎遂以疾辭紹不許而意恨之軍至延  
津南操勒兵駐營阪下令騎解鞍放馬是時白馬  
輜重就道諸將以爲敵騎多不如還保營荀攸曰此  
所以餌敵如何去之操顧攸而笑紹騎將文醜與劉  
備將五六千騎前後至諸將曰可上馬操曰未也有  
頃騎至稍多或分趣輜重操曰可矣乃皆上馬縱擊  
大破之斬醜醜良皆紹名將再戰禽之紹軍奪氣初  
操壯關羽之爲人而察其無留意使張遼以其情問  
之羽歎曰吾極知曹公待我厚然吾受劉將軍恩誓  
以共死不可背之要當立效以報曹公乃去耳遼以  
報操操義之及殺良操知其必去重加賞賜羽盡封  
其所賜拜書告辭而奔劉備於袁軍左右欲追之操

曰彼各爲其主勿追也操還軍官渡閻柔遣使詣操操以柔爲烏桓校尉鮮于輔來見操以爲度遼將軍還鎮質實一統志云白馬漢之縣名屬東郡本春秋幽土質實衛之曹邑三國魏廢之故址在大名府城南二百三十里滑縣治南又注見高帝三年白馬津延津在大名府滑縣境靈河廢縣東北二十里趙石勒伐劉曜至河渚不得渡時流漸下因風結冰濟訖冰泮勒自以爲得天助因號曰靈昌津又有湖周十里曰靈昌湖幽土謂幽州之土地也注見唐高祖武德四年

### 孫策卒弟權代領其衆

策欲乘虛襲許部署未發會先所殺吳郡太守許貢奴客因其出獵伏篋竹中射之中頰創甚召張昭等謂曰中國方亂以吳越之衆三江之固足以觀成敗公等善相吾弟呼權佩以印綬謂曰決機於兩陳之

間與天下爭衡卿不如我舉賢任能各盡其心以保  
江東我不如卿遂卒時年二十六權悲號未視事昭  
曰孝廉此寧哭時邪乃易權服扶上馬使出巡軍上  
表朝廷下移屬城中外將校各令奉職周瑜自巴丘  
將兵赴喪留與張昭共掌衆事時策雖有會稽吳郡  
丹陽豫章廬江廬陵然深險之地猶未盡從流寓之  
士皆以安危去就爲意未有君臣之固而周

**集覽**

三

瑜等謂權可與共成大業遂委心而服事焉  
之固禹貢三江既入蔡氏集傳載蘇氏所謂三江恐  
是又呂誨奏劄云據三江之口三巴二廣水陸數十  
路沿沂上下舟車所聚之處孝廉爲句時郡察孝廉  
州舉茂才漢以孫策遠脩職貢遣劉琬加錫命琬語  
人曰孫氏兄弟惟中弟孝廉故張昭稱爲孝廉吳郡  
周爲吳國封泰伯於此今蘇州是也正義曰東漢以  
浙西爲吳郡陳爲吳州

**質實**

一統志云吳郡本周泰  
伯仲雍始居之地武王

隋改蘇州宋陞平江府



封仲雍後於此爲吳國自闔閭已後並都焉戰國時  
越後屬楚秦置會稽郡治此漢初因之尋改屬江  
都東漢始分此爲吳郡三國屬吳晉宋齊梁皆爲吳  
郡隋初改爲蘇州後改爲吳州唐初復爲蘇州後又  
改吳郡南唐陞爲中吳軍宋初爲平江軍後改平江  
府元改爲平江路至國朝改爲蘇州府直隸京師張  
昭彭城人吳越二國名吳注見吳郡越注見和帝永  
元元年會稽郡三江在蘇州府崑山縣南九里唐仲  
初吳都賦注松江七十里分流東北入海者爲婁江  
東南流者爲東江併松江爲三江其地今亦名三江  
口吳越春秋謂范蠡乘舟出三江口  
即此巴丘山名注見建安十五年

秋袁紹遣劉備畧汝潁曹操擊走之備復以紹兵至汝

南

汝南黃巾劉辟等叛曹操應袁紹紹遣劉備將兵助  
辟郡縣多應之陽安都尉李通急錄戶調朗陵長趙  
雲以書與荀彧曰今陽安百姓困窮鄰城竝叛易用  
傾蕩乃一方安危之機也且此郡人執忠守節在險  
不貳以爲國家宜垂慰撫而更急歛繇絹何以勸善  
或即白操悉以繇絹還民上下歡喜郡內遂安時操  
到新科下州郡頗增嚴峻而調繇絹方急長廣太守  
何夔言於操曰先王辨九服之賦以殊遠近制三典  
之刑以平治亂愚以爲此郡宜依遠域新邦之典其  
民間小事使長吏臨時隨宜上不背正法下以順百  
姓之心比及三年民安其業然後乃可齊之以法也  
操從之劉備畧汝潁之間操使曹仁擊破走之盡復  
汝諸叛縣備還說紹南連劉表紹遣**集覽**陽安郡名  
備復至汝南操遣將擊之爲備所殺今簡州是  
在成都路三國志陽安關口是也九服之賦禮秋官  
大行人邦畿方千里其外方五百里謂之侯服歲壹

見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物九州之外謂之蕃國世壹見各以其所貴寶爲摯注九州之外夷服鎮服蕃服無朝貢之歲父死子立及嗣王即位乃壹來貢又九服注見宋文帝元嘉二十三年三典之刑禮秋官大司寇掌建邦之三典以佐王刑邦國一日刑新國用輕典二曰刑平國用中典三曰刑亂國用重典

**正誤**

陽安都尉今按簡州雖亦名陽安時屬劉璋非曹操所及此乃汝南陽安

也集覽殊誤後漢書郡國志汝南郡陽安註云獻帝初平三年分二縣置陽安都尉朗陵亦汝南縣分屬陽安故下文朗

**質實**

一統志云陽安古江國地名漢置陽安縣屬汝南郡晉省之故

城在汝寧府息縣西南一十里朗陵縣名注見明帝永平十三年趙嚴陽翟人長廣漢之郡名治長廣縣北齊省之故城在登州府萊陽縣東五十里何夔陳郡人

書法

備嘗書討操矣是亦敵操也曷爲書畧書至如常辭非義討也其非義討何紹遣之也綱

目惡紹故汝南之戰備殺操將不書

九月朔日食○袁紹攻曹操於官渡冬十月操襲破其輜重紹軍大潰

袁紹軍陽武沮授說曰北兵雖衆而勁果不及南兵雖精而資儲不如北南幸於急戰北利在緩師宜徐持以曠以日月紹不從八月紹進營稍前東西數十里操亦分營與相當出兵戰不勝復還堅壁紹爲

高櫓起土山爲地道攻之操衆少糧盡士卒疲乏百姓多叛操與荀彧書議欲還許以致紹師或報曰紹悉衆聚官渡欲與公決勝敗公以至弱當至彊若能制必爲所乘是天下之大機也且紹布衣之雄耳能聚人而不能用以公之神武明哲而輔以大順何向而不濟今穀雖少未若楚漢在滎陽成臯間也是時劉項莫肯先退者以爲先退則勢屈也公以十分居一之衆畫地而守之搯其喉而不得進已半年矣情見勢竭必將有變此用奇之時不可失也操乃堅壁持之紹運穀車數千乘至官渡操擊燒之十月紹復遣軍運穀使淳于瓊等將兵送之沮授說紹可別爲支軍於表以絕曹操之鈔許攸曰曹操悉師拒我許下勢必空弱若分遣輕軍星行掩襲許可拔也許拔則奉迎天子以討操操成禽矣如其未潰可令首尾犇命破之必矣紹皆不從會攸家犯法審配收繫之攸怒遂犇操操聞其來跣出迎之撫掌笑曰子卿

遠來吾事濟矣既入坐謂操曰袁氏軍盛何以待之  
今有幾糧乎操曰可支一月爲之柰何攸曰袁氏輜  
重萬餘乘在故市烏巢屯軍無嚴備若以輕兵襲之  
燔其積聚不過三日袁氏自敗也操大喜乃留荀攸  
曹洪守營自將步騎五千用袁軍旗幟銜枚縛馬口  
夜從間道出入抱束薪至屯放火急擊之紹聞操擊  
瓊謂其子譚曰就操破瓊吾拔其營彼固無所歸矣  
乃使其將高覽張郃等攻操營郃曰曹公精兵往必  
破瓊請先救之郭圖固請攻操營郃曰曹公營固攻  
之必不拔若瓊等見禽吾屬盡爲虜矣紹但遣輕騎  
救瓊而以重兵攻營不能下騎至烏巢操大破之斬  
瓊等盡燔其糧穀紹軍恟懼郭圖慙復譖張郃郃遂  
與覽焚攻具詣操營降於是紹軍驚擾大潰紹及譚  
等幅巾乘馬與八百騎渡河操追之不及盡收其輜  
重圖書珍寶餘衆降者操盡坑之前後所殺七萬餘  
人沮授爲操軍所執大呼曰授不降也操與之有舊

遂赦而厚遇焉授尋謀歸袁氏操乃殺之操收紹書  
中得許下及軍中人書皆焚之曰當紹之彊孤猶不  
能自保況衆人乎冀州城邑多降於操紹走至黎陽  
北岸入其將將義渠營義渠避帳而處之使宣號令  
衆聞紹在稍復歸之或謂田豐曰君必見重矣豐曰  
公貌寬而內忌不亮吾忠若勝而喜猶能赦之今戰  
敗而恚吾不望生紹謂逢紀曰田別駕前諫止吾吾  
亦慙之紀曰豐聞將軍之退肘手大笑喜其言之中  
也紹於是謂僚屬曰吾不用田豐言果爲所笑遂殺  
之紹爲人寬雅有局度喜怒不形於色而性矜愎自  
高短於從善

**集覽**

陽武注見秦始皇二十九年高櫓城上白露屋名之曰櫓又戰陣高

故至於敗

巢車亦謂之櫓攸家許攸之家人子卿許攸字故市  
史記漢高功臣侯年表故市索隱曰縣名屬河南烏  
巢今睢州有巢亭屬河質實滎陽縣名注見秦莊襄  
南或云此即古烏巢也王元年成臯縣名注同

上年許縣名注見後主建興十年  
張郃河間鄭人許攸汝南平輿人

發明

袁紹移檄州郡數操罪惡綱目何不討操  
書之蓋紹素無勤王之心其實不過亦欲爲

操所爲耳豈能翊戴帝室爲漢氏之純臣耶使操  
無成固不能以篡漢紹而有成是亦一操而已君  
子豈得過  
予之哉

有星孛于大梁質實

大梁注見漢隱帝乾祐元年分野有災

○以劉馥爲

揚州刺史

廬江梅乾等聚衆數萬在江淮間曹操表馥刺揚州  
時揚州獨有九江馥單馬造合肥空城建立州治招  
懷乾等恩化人行流民歸者以萬數於是廣屯田興  
陂竭官民有畜乃聚諸生立學校又高爲城壘多積



水石以脩守戰之備集覽興陂竭陂堰也竭亦堰屬壅竭水質

實

劉馥沛人廬江郡名注見漢景帝四年揚州注見秦王政六年壽春九江郡名注同上年合肥縣名

注見靈帝中平五年

# 以孫權爲討虜將軍

曹操聞孫策死欲因喪伐之張紘諫曰乘人之喪既非古義若其不克成讐棄好不如因而厚之操即表權爲討虜將軍領會稽太守操欲令紘輔權內附乃以紘爲會稽都尉紘至吳太夫人以權年少委紘與張昭共輔之紘思惟補察知無不爲魯肅將北還周瑜止之因薦於權曰肅才宜佐時當廣求其比以成功業權即見肅與語悅之賓退獨引肅合榻對飲問計肅曰漢室不可復興曹操不可卒除爲將軍計惟

有保守江東以觀天下之變耳若因北方多務勦除黃祖進伐劉表竟長江所極據而有之此王業也張昭縱肅年少麗疎權蓋貴重之權料諸小將兵少而用薄者并合之別部司馬呂蒙軍容鮮整士卒練習權大悅增其兵寵任之功曹駱統勸權尊賢接士勤求損益饗賜之曰人人別進問其燥濕加以密意誘喻使言察其志

**集覽**

麗疎麗狠疎率也顏師古曰猶言忽畧也并合并去聲亦合也

趣權納用焉

合音問書序盤庚

**質實**

駱統會稽人

三篇合爲一是已

# 劉表攻長沙零陵桂陽皆下之

劉表攻長沙零陵桂陽皆平之於是表地方數千里帶甲十餘萬遂不供職貢郊祀天地居處服用僭擬乘輿

**質實**

長沙郡名注見興平元年零陵郡名注見晉武帝太康元年桂陽郡名注見武帝元

鼎五年

益州司馬張魯據漢中從事趙韙作亂

張魯以劉璋闇懦遂據漢中初南陽三輔民流入益州者數萬家劉焉悉收以爲兵璋性寬柔無威畧東州人侵暴舊民璋不能禁趙韙素得人心因士民之怨遂作亂攻璋略荊州與連和蜀郡廣漢犍爲皆應之

集覽

東州人謂南陽郡及三輔流民

質實

廣漢郡名注見成帝鴻嘉三年漢中郡名注見

周赧王四年犍爲郡名注見光武建武十二年

辛巳六年春三月朔日食○夏四月曹操擊袁紹倉亭破

之考異

提要亭下有軍字據分注合從提要

曹操以袁紹新破欲以其間擊劉表荀彧曰紹既新敗其衆離心宜乘其困遂定之而欲遠師江漢若紹收其餘燼乘虛以出人後則公事去矣操乃揚兵河上擊紹倉亭軍破之

秋九月擊劉備於汝南備奔荊州考異

擊字上當有操字

操擊備於汝南備奔劉表表聞備至自出郊迎以上賓禮待之益其兵使屯新野備在荊州數年嘗於表坐起至厠慨然流涕表性問備備曰平常身不離鞍髀肉皆消今不復騎髀裏肉生日月如流老將至矣而功業不建

集覽

髀肉髀補弭反股骨也股外曰髀

質實

汝南縣名注見光武

建武十九年新野縣名注見平帝元始四年

趙韙圍成都敗死

避既敗死其黨巴郡太守龐羲欲爲亂遣吏程祁宣  
旨於其父漢昌令畿不得養怒使人謂畿曰不從太  
守禍將及家畿曰樂羊食子非無父子之恩大  
義然也今雖羹祁以賜畿畿啜之矣羲乃止

集覽

漢昌令畿漢昌縣屬巴郡畿祁之父名也爲漢昌縣  
令不得爲句猶言不從樂羊食子韓非子曰魏文侯

遣樂羊攻中山時羊有子在中山中山

質實

一統志云漢昌

東漢之縣名屬巴郡晉析置蒼溪縣屬巴西郡劉宋  
併蒼溪入漢昌隋復改漢昌爲蒼溪唐宋元俱仍舊  
至國朝因之改屬保寧府巴郡注見建安十九年樂  
羊子戰國魏人文侯時爲將伐中山克之封於靈壽  
子孫因家焉  
樂毅其後也

張魯取巴郡詔以魯爲漢寧太守

張魯以鬼道教民使病者自首其過爲之請禱實無益於治病然小人昏愚競共事之犯法者三原然後行刑不置長吏皆以祭酒爲治民夷便樂之後遂襲取巴郡朝廷力不能征遂就寵魯爲漢寧太守通貢獻而已民有地中得玉印者群下欲尊魯爲漢寧王關國諫曰漢川之民戶出十萬財富土沃四面險固上匡天子則爲桓文次及竇融不失富貴今承制署置執足斬斷不煩於王願且不稱勿爲禍先魯從之

**集覽**

三原猶言三宥也禮秋官司刺掌三宥之法祭酒爲治祭酒非官名蓋一坐之元長也古者賓

客初得主人饌則長者一人先舉酒以祭地今稱祭酒者相尊敬之詞也桓文齊桓公晉文公皆春秋時賢君糾合諸侯尊周室治彊楚天下諸侯皆尊之以爲霸主其降王者止一等耳竇融更始時爲張掖郡都尉後更始敗融遂據有河西自稱五郡大將軍光武即位融入見詔爲涼州牧後封安豐侯

**質實**

漢寧郡名注見周赧王四年漢中竇融平陵人漢更始拜爲鉅鹿太守融以東方尚擾求爲張掖屬國都尉撫輯雄傑遂據河西光武即位決策歸漢授涼州牧後從征隗囂以功封安豐侯

壬午七年春正月曹操復進軍官渡夏五月袁紹卒幼子尚襲行州事長子譚出屯黎陽操攻敗之

袁紹慙憤發病嘔血薨初紹有三子譚熙尚紹後妻劉氏愛尚紹欲以爲後乃以譚繼兄後出爲青州刺史沮授諫曰世稱萬人逐兔一人獲之貪者悉止分定故也譚當爲嗣而斥使居外禍其始此矣紹曰吾欲令諸子各據一州以視其能於是熙爲幽州刺史甥高幹爲并州刺史逢紀審配素爲譚所疾辛評郭圖皆附於譚而與配紀有隙及紹薨衆以譚長欲立之配等恐譚立而評等爲害遂矯紹遺命奉尚爲

嗣譚至不得立自稱車騎將軍屯黎陽尚少與之兵而使紀隨之譚求益兵配等不與譚怒殺紀曹操攻譚尚自將助之與質實黎陽縣名注見操相拒譚尚數敗

質實

黎陽縣名注見成帝綏和二年

發明

紹既敗亡初不足道然必書幼子襲州長子出屯者所以爲後世廢長立幼之戒且以見

譚尚交攻之由耳

# 袁尚遣郭援高幹徇河東鍾繇擊破之斬援

尚遣其將郭援高幹共攻河東發使與馬騰等連兵援所經城邑皆下河東郡吏賈逵守絳援攻之急父老約援不害逵乃降援許之既而以兵劫之欲使爲將逵不動左右使叩頭逵叱之曰安有國家長吏爲賊叩頭援怒將斬之或伏其上以救之吏民皆乘城呼曰負約殺我賢君寧俱死耳乃囚之壺關有祝公



道者夜盜出之操使鍾繇圍南單于於平陽未拔而援至繇使張既說馬騰爲言利害騰疑未決傳幹說曰智者轉禍爲福今曹公與袁氏相持而高幹郭援合攻河東曹公雖有萬全之計不能禁河東之不危也將軍誠能引兵討援內外擊之其勢必舉是將軍一舉斷袁氏之臂解一方之急曹公必重德將軍將軍功名無與比矣騰乃遣子超將兵與繇會初諸將以郭援衆盛欲釋平陽去繇曰袁氏方彊援之來關中陰與之通所以未悉叛者顧吾威名故耳若棄而去示之以弱所在之民誰非寇讐縱吾欲歸其得至乎此爲未戰先自敗也且援剛愎好勝必易吾軍若渡汾爲營及其未濟擊之可大克也援至果徑前渡汾未半繇擊破之南單于亦降援繇之甥也校尉龐德斬之繇見其頭而哭德謝繇繇曰援雖我甥國之賊也何集覽河東漢河東郡即晉陽也今蒲州是括

里絳漢屬河東郡史記晉世家獻公八年城聚都之  
命曰絳左傳莊二十六年晉士蔿城絳杜預曰今平  
陽絳邑縣成六年晉人謀去故絳遷于新田亦號絳  
邑壺關縣屬上黨按上黨今潞州是渡汾汾水注見  
周威烈王質實一統志云河東秦之郡名治蒲坂縣  
二十三年質實漢因之後魏兼置秦州後周改爲蒲  
州隋初郡廢州存大業初改河東郡治河東縣唐改  
蒲州爲河東道開元中改河中府陞爲中都尋復爲  
蒲州天寶初改河東郡乾元初復爲蒲州尋改河中  
府五代梁置護國軍節度宋仍舊屬陝西路金爲蒲  
州天德初復爲河中府屬河東南路元因之至國朝  
復爲蒲州以河東縣省入仍屬平陽府絳漢之縣名  
屬河東郡周初受封絳侯即此晉屬平陽郡後魏置  
南絳縣及南汾郡後周廢郡改爲絳縣因縣有絳山  
故名隋屬絳州唐改屬澧州後仍屬絳州宋金元仍  
舊至國朝因之屬平陽府壺關漢初縣名屬上黨郡

後移郡治此後魏移縣治潁陽岡隋分置上黨縣  
大業初省入上黨唐初復置壺關於高望堡貞觀  
中又移治清流川即今治宋金元仍舊至國朝因  
之屬潞州平陽郡名注見周威烈王二十三年賈  
逵襄陽人

### 曹操責孫權任子權不受命

曹操下書責孫權任子權召羣僚會議張昭等猶豫  
不決權引周瑜詣吳夫人前定議瑜曰昔楚國初封  
不滿意百里繼嗣賢能廣土開境遂據荆揚至於南海  
傳業延祚九百餘年今將軍承父兄餘資兼六郡之  
衆兵精糧多將士用命鑄山煮海境內富饒有何偏  
迫而欲送質質一入不得不與曹氏相首尾與相首  
尾則命召不得不往如此見制於人極不過一侯印  
僕從十餘人車數乘馬數匹豈與南面稱孤同哉不

如勿遣徐觀其變若曹氏能率義以正天下將軍事之未晚若爲暴亂彼自亡之不暇焉能害人吳夫人曰公瑾議是也公瑾與伯符同年小一月耳我視之如子汝其兄事之遂不送質

**集覽**

任子

質子也送質句絕下文質一入爲句質並如字讀注見周顯王四十一年質馬伯符孫策表字

**正誤**

送質今按質實南海郡名注見晉武帝太康元年交廣荆揚二州名荆注見建安十三年

南郡揚注見秦王政六年壽春

**書法**

書操責何非爲漢也書不受命蓋予之

**發明**

所惡於上無以使下所惡於下無以事上有諸已而後可以求諸人無諸已而後可以非

諸人曹操却遣天子斷喪王室篡勢已成乃欲越江漢而責人難矣綱目書操責孫權任子權不受

命其與春秋書宣公平莒及邾莒人不肯異事而同意是皆以彊大不能行之於弱小者也書法若此所以戒後人當先自治其本故行有不

得者反求諸已而已若操何足以知此  
癸未八年春二月曹操攻黎陽譚尚敗走夏四月操追至鄴而還譚攻尚不克

曹操攻黎陽譚尚敗走還鄴操追至鄴諸將欲遂攻之郭嘉曰袁紹愛此二子莫適立也今權力相侔各有黨與急之則相保緩之則爭心生不如南向荊州以待其變變成而後擊之可一舉定也操曰善留賈信守黎陽而還譚謂尚曰今曹軍退人懷歸志及其未濟出兵掩之可令大潰此策不可失也尚疑之譚大怒攻尚譚敗引兵還南皮譚別駕王脩自青州來救譚欲更還攻尚脩曰兄弟者左右手也今與人鬪

而斷其右手曰我必勝其可乎夫棄兄弟而不親天下其誰親之彼讒人離間骨肉以求一朝之利願塞耳勿聽也若斬佞臣數人復相親睦

**集覽**

莫適適音的注見桓

以御四方可橫行於天下譚不從

帝元嘉元年南皮滄州南皮縣漢屬河間國地理志

渤海郡有皮縣括地志云今滄州南皮縣北四里本

漢皮縣城即質貫

一統志云南皮漢之縣名屬渤海郡因章武有北皮亭故此曰南皮

東漢爲渤海郡

治三國魏仍爲南皮縣隋屬渤海郡

唐屬景州貞觀中

屬滄州長慶初復屬景州五代周

屬滄州宋金元

仍舊至國朝因之改屬河間府青州

注見桓帝永康元年別駕官名注見宋文帝元嘉二

十八年王脩  
城陽營陵人

秋八月操擊劉表尚圍譚於平原冬十月操還救却之

考異

提要還下  
有軍字

操擊劉表軍於西平袁尚攻袁譚大破之譚奔平原  
尚圍之急譚遣辛評弟毗詣曹操請救劉表以書諫  
譚曰君子違難不適讐國交絕不出惡聲況忘先人  
之讐棄親戚之好而爲萬世之戒遺同盟之耻哉若  
冀州不弟君當降志辱身以濟事爲務事定之後使  
天下平其曲直不亦爲高義邪又與尚書曰青州天  
性峭急迷於曲直君當先除曹操以卒先公之恨事  
定之後乃議曲直之計不亦善乎若迷而不反則是  
韓盧東郭自困於前而遺田父之獲也譚尚皆不從  
毗至西平操羣下多以爲劉表方彊宜先平之荀攸  
曰天下方有事而劉表坐保江漢之間其無四方之  
志可知矣袁氏據四州之地帶甲數十萬紹以寬厚  
得衆心使二子和睦以守其成業則天下之難未息  
也今兄弟構惡其執不兩全若有所并則力專力專

則難圖也及其亂而取之天下定矣此時不可失也  
操從之謂毗曰譚必可信尚必可克不毗對曰明公  
無間信與詐也直當論其執耳袁氏兄弟相伐本謂  
天下可定於已而一旦求救於明公此可知也今其  
兵革敗於外謀臣誅於內兄弟讒閱國分爲二連年  
戰伐介胄生蟣蟲加以旱蝗饑饉並臻今徃攻鄴尚  
不還救即不能自守還救則譚踵其後此乃天亡尚  
之時也天以尚與明公明公不取而伐荊州荊州豐  
樂國未有釁二袁不務遠畧而內相圖朝不謀夕民  
命靡繼而不綏之欲待他年他年或登又自知亡而  
改脩厥德失所以用兵之要矣今因其請救而撫之  
利莫大焉且四方之寇莫大於河北河北平則六軍  
盛而天下震矣操曰善乃許譚平十月至黎  
陽尚聞操渡河乃釋平原還鄴操引軍退  
**集覽** 平原  
注見武帝元朔二年交絕不出惡聲正義曰君子之  
人交既絕不談彼之短冀州不弟弟通作悻去聲敬



於兄長也袁尚爲冀州牧故稱冀州譚尚兄也今尚  
攻譚是爲不弟平其曲直平音病平其不平曰平韓  
盧東郭戰國策曰韓國有良犬名曰盧東郭之外有  
狡兔名曰鮑史記范雎傳譬若馳韓盧而搏蹇兔也  
韓文毛穎傳居東郭鮑實西平縣名注見建安十三  
年魏許譚平平和也實實年平原郡名注見光武建  
武五年辛比  
顓川陽翟人

## 孫權遣兵討山越平之

孫權西伐黃祖破其舟軍而山寇復動權還使呂範  
等討之又以呂蒙等守劇縣令長悉平之賀齊討建  
安料出兵萬人權集覽劇縣注見光武建武三年料  
以爲東平校尉出兵按史記周宣王料民於  
太原韋昭正誤劇縣今按集覽建武三年註劇菑川  
曰料數也國邑乃齊地也孫權所討乃江南山

越劇非縣名謂繁劇艱難之縣也料出兵質實一統志云

今按料如字點閱見數也宣王料民之料呂範汝南細陽人賀齊會稽人建安郡名注見晉武帝泰始五年

甲申九年春二月袁尚復攻譚夏四月曹操攻鄴秋七月

尚還戰敗走幽州操遂入鄴自領冀州牧

正月曹操濟河過淇水入白溝以通糧道二月尚復攻譚於平原留審配守鄴操爲土山地道以攻之又攻絕其糧道五月鑿堊圍城周回四十里初令淺示若可越配望見笑之不出爭利操一夜濬之廣深二丈引漳水灌之城中餓死者過半七月尚將萬餘人還攻鄴先使主簿李孚入城孚著平上幘投暮詐稱都督歷北園而東呵責守園將士隨輕重行罰遂歷操營前至南園責怒守者收縛之因開其園馳到城

下呼城上人得入操聞笑曰此非徒得入也方且復  
出乎知圍不可復冒乃請配悉出城中老弱以省穀  
夜持白幡出降孚隨輩出突圍得去尚兵既至配出  
兵城北操逆擊之敗還尚亦破走依曲漳爲營操遂  
圍之尚懼求降不聽衆潰犇中山審配殺辛毗家屬  
令士卒堅守死戰伏弩射操幾中配兄子榮開門內  
操兵配拒戰被執毗以馬鞭擊其頭而罵之配顧曰  
狗輩正由汝曹破我冀州恨不得殺汝也且汝今日  
能殺生我邪操引見配欲活之配意氣壯烈終無撓  
辭遂斬之操乃臨祀紹墓哭之流涕慰勞紹妻還其  
家人寶物賜繒絮稟食初紹與操共起兵紹問操曰  
若事不輯則方面何所可據操曰足下意以爲何如  
紹曰吾南據河北阻燕代兼戎狄之衆南向以爭天  
下庶可以濟乎操曰吾任天下之智力以道御之無  
所不可九月詔以操領冀州牧操讓還兗州初尚遣  
從事牽招至上黨聞尚走說高幹以并州迎之不從

招乃詣操復爲從事操又辟崔琰爲別駕謂曰昨按  
戶籍可得三十萬衆故爲大州也對曰今九州幅裂  
二袁親尋干戈冀方烝庶暴骨原野未聞王師存問  
風俗救其塗炭而唯以校計甲兵爲先斯豈鄙州士  
女所望於明公哉操改容謝之許攸恃功嫚操操竟殺之

集覽

淇水淇源出河內  
郡共北山東至黎

陽入河一曰水出隆慮縣西山有澳水流入淇水詩  
所謂淇澳者也通志云淇水一名清水鄴道元云即  
絳水也白溝今涿州新城縣南四十里白溝河也宋  
與遼以此爲界水經云白溝源出代郡漆水由易州  
界至拒馬河合流東入海漳水注見高帝十年隨輩  
出隨降者之等輩同出城中山注見周威烈王二十  
三年牽質質一統志云淇水源出懷慶府濟源縣西  
招姓名質質八十里王屋山東自天壇避秦溝出焉  
引流南入黃河白溝河名在保定府新城縣南三十  
五里拒馬河下流即宋與遼分界之處崔琰東武城

人袁紹墓在彰德府臨漳縣西北一十六里上黨郡名注見周威烈王二十三年

冬十月有星孛于東井質實

東井注見武帝元封元年

○高幹以并

州降復以爲刺史質實

并州注見晉愍帝建興四年

○十二月曹操

攻平原拔之袁譚走保南皮

袁譚復背曹操操與書責之然後進討譚拔平原走保南皮操入平原畧定諸縣

公孫度卒子康襲行郡事

曹操表度爲武威將軍封永寧鄉侯度曰我王質實遼東何永寧也藏印綬於武庫是歲卒子康嗣

一統志云永寧鄉在遼東義州衛東三十里今爲堡

丹陽郡吏殺其太守孫翊妻徐氏討殺之考異

按征伐例

曰凡得其罪人於臣子曰誅於夷狄若非臣子曰斬曰殺此太守討殺郡吏亦當書誅誤作殺字耳

丹陽督矯覽承戴員殺太守孫翊覽欲逼取翊妻徐氏徐紹之曰乞須晦日設祭除服然後聽命潛使所

親語翊舊將孫高傳嬰等與共圖覽高嬰涕泣許諾密呼翊時侍養者二十餘人與盟誓合謀晦日設祭

徐哭泣盡哀畢乃除服薰香沐浴言笑懽悅覽密覘無復疑意徐呼高嬰置戶內使人召覽入適得一拜

徐大呼二君可起高嬰俱出共殺覽餘人即就外殺員徐氏乃還縗經奉覽員首以祭翊墓舉軍震駭孫

權族誅覽員餘黨

**集覽**

督矯覽督官名矯覽姓名史炤釋文曰凡言督察也嬌居

為反巫戴員巫郡巫也掌佐守典武職甲卒戴員姓名員音云縗經注見晉武帝泰始二年

質實

丹陽郡注見明  
帝永平十三年

書法

婦人討賊綱目以來未有也故特書之終綱  
目婦人討賊二孫翊妻徐氏馮寶妻沈氏討

而能殺之者  
一人而已

發明

女子能守節不辱者已足深嘉未有能臨  
變設謀如徐氏者故特書討殺以著其績

乙酉十年春正月曹操攻南皮克之斬袁譚

曹操攻南皮袁譚出戰士卒多死操欲緩之議郎曹  
純曰今縣師深入難以持久若進不能克退必喪威  
乃自執桴鼓以率攻者遂克之譚出走追斬之告諭  
吏民各安故業斬郭圖等及其妻子王脩詣操乞收  
葬譚尸許之辟爲司空掾郭嘉說操多辟青冀幽并  
名士爲掾屬操從之官渡之戰袁紹使陳琳爲檄書

數操罪惡連及家世極其醜詆及是琳歸操操曰卿昔爲本初移書但可罪狀孤身何乃上及父祖邪琳謝罪操釋之使與

**集覽**

桴鼓按左傳右援桴而鼓注阮瑀俱管記室

張敞傳抱鼓桴

**質實**

王脩北海人阮瑀陳留尉氏人

幽州將吏逐刺史袁熙遣使降操熙尚俱犇烏桓

袁熙爲其將焦觸張南所攻與尚俱犇遼西烏桓觸自號幽州刺史驅率守令背袁向曹陳兵數萬殺白馬而盟令曰敢違者斬衆莫敢仰視各以次歃別駕韓珩曰吾受袁公父子厚恩今其破亡智不能救勇不能死於義闕矣若乃北面曹氏所不能爲也一座失色觸曰夫舉大事當立大義事之濟否不待一人可卒珩志以厲

**集覽**

遼西烏桓遼水出高句麗在幽州之域烏桓東胡餘種本在遼

事君乃捨之



東後有散居遼水西者以次歛按次第質實一統志

歛血也歛血注見周赧王五十七年漢之郡名治肥如縣東漢末廢之故城在永平

府治東烏桓東胡國名注見宣帝本始三年

夏四月黑山賊帥張燕降質實

黑山注見靈帝中平二年

○冬十月高幹復叛詔以杜畿爲河東太守

高幹復以并州叛守壺關口河內張晟衆萬餘人寇  
靖滎閭河東太守王邑被徵郡掾衛固范先等詣鍾  
繇請留之繇不許固等與幹通謀曹操謂荀彧曰關  
西諸將外服內貳張晟寇亂南通劉表固等因之將  
爲深害當今河東天下之要地也君爲我舉賢才以  
鎮之或曰京兆杜畿勇足以當難智足以應變操乃  
以畿爲河東太守固等使兵絕陝畿至數月不得渡  
操遣夏侯惇討固等未至畿曰河東有三萬戶非皆

欲爲亂也。今兵追之急，欲爲善者無主，必懼而聽於  
固。固等執專，必以死戰討之，不勝爲難。未已，討之而  
勝，是殘一郡之民也。且固等未顯絕王命，外以請故  
君爲名，必不害新君。吾單車直往，出其不意，固爲人  
多計，而無斷，必僞受吾。吾得居郿一月，以計縻之，足  
矣。遂詭道從郿，津渡范先，欲殺歲乃於門下斬殺主  
簿以下三十餘人。歲舉動自若，於是固曰：「殺之無損  
也。」吾仰成而已。然君臣有定義，成敗同之。大事當共  
平議，以固爲都督，行正事，領功曹，將校吏兵三千餘  
人，皆先督之。固欲大發兵，歲曰：「今大發兵，衆情必擾，  
不如徐以贊募兵，固以爲然。從之，得兵甚少。歲又曰：「  
人情顧家，諸將掾史可分遣休息，急急召之不難。固  
等悉逆衆心，又從之。於是善人在外，陰爲已援。惡人  
分散，各還其家。會白騎攻東垣，高幹入獲澤，歲乃單  
將數十騎赴堅壁而守之。吏民多舉城助歲者，固等

與幹晟共攻不下畧無所得會操徵馬騰等至擊晟  
固等破斬之於是畿務崇寬惠民有辭訟爲陳義理  
遣歸諱思之父老皆自相責怨不敢訟耕桑課畜  
牧百姓豐實然後興學校舉孝弟脩戎事講武備河  
東遂安畿在河東十  
**集覽** 崤水在陝州陝縣東崤山  
六年常爲天下最  
名崤水名崤山在弘農  
池縣西故曰崤通通作般般函注見漢王劉邦元年  
滎池注見光武建武三年鄧津地名在弘農郡會白  
騎會值也黑山賊張白騎東垣注見高  
帝八年獲澤注見明帝永平十四年

## 以荀悅爲侍中

時政在曹氏悅志在獻替而謀無所用故作申鑒五  
篇奏之其大畧曰爲政之術先屏四患乃崇五政僞  
亂俗私壞法放越軌奢敗制四者不除則政未由行  
矣足謂四患興農桑以養其生審好惡以正其俗宣

文教以章其化立武備以秉其威明賞罰以統其法  
是謂五政人不畏死不可懼以罪人不樂生不可勸  
以善故在上者先豐民財以定其志是爲養生善惡  
要乎功罪毀譽效於準驗聽言責事舉名察實無或  
詐僞以蕩衆心故俗無姦慝民無淫風是謂正俗榮  
辱者賞罰之精華也故禮教榮辱以加君子化其情  
也桎梏鞭扑以加小人化其形也若教化之廢推中  
人而墜於小人之域教化之行引中人而納於君子  
之塗是謂章化在上者必有武備以戒不虞安居則  
寄之內政有事則用之軍旅是謂秉威賞罰政之柄  
也人主不妄賞非愛其財也賞妄行則善不勸矣不  
妄罰非矜其人也罰妄行則惡不懲矣賞不勸謂之  
止善罰不懲謂之縱惡在上者能不止下爲善不縱  
下爲惡則國法立矣是謂統法四患既蠲五政又立  
行之以誠守之以固簡而不怠疎而不失  
垂拱揖讓而海內平矣悅爽之兄子也

集覽

中人

子小人質實荀悅潁川  
之間者潁陰人

丙戌十一年春正月有星孛于北斗○曹操擊高幹斬之

# 以梁習爲并州刺史

時荒亂之餘胡狄雄張吏民已叛入其部落兵家擁  
衆各爲寇害習到官誘喻招納皆禮召其豪右稍薦  
舉使詣幕府次發諸丁彊以爲義從又因大軍出征  
令諸將分請以爲勇力吏兵已去之後稍移其家前  
後送鄴凡數萬口其不從命者與兵致討單于恭順  
名王稽顙服事供職同於編戶邊境肅清百姓布野  
勤勸農桑令行禁止習乃貢達集覽雄張雄武稱也  
名士常林楊俊之徒後皆顯名張去聲自侈大  
也義從軍勇力軍編戶質實梁習柘人常  
師古曰謂列次名籍者林河內人

以仲長統爲尚書郎

初山陽仲長統遊學至并州遇高幹幹善遇之訪以世事統謂幹曰君有雄志而無雄才好士而不能擇人所以爲君深戒也幹不悅統去之幹死荀彧舉統爲尚書郎統嘗著論曰昌言其畧曰豪傑之當天命者未始有天下之分者也無天下之分故戰爭者競起焉角智者皆窮角力者皆負形不堪復仇孰不足復校乃始羈首繫頸就我之銜絕耳及繼體之時豪傑之心既絕士民之志已定貴有常家尊在一人當此之時雖下愚之才居之猶能使恩同天地威侔鬼神彼見天下莫敢與之違自謂若天地之不可亡也乃肆其私嗜騁其邪欲君臣宣淫上下同惡荒廢政棄忘人物信任親愛者盡佞諂容說之人寵貴隆豐者盡后妃姬妾之家遂至熬天下之脂膏斲生民之骨髓怨毒無聊禍亂並起中國擾攘四夷侵叛土

崩瓦解一朝而去昔之爲我哺乳之子孫者今盡是我飲血之寇讐也至於運徙執去猶不覺悟者豈非富貴生不仁沈溺致愚疾邪存亡以之迭集覽角智代治亂從此周復大道常然之大數也也下角力同銜紕銜馬口中勒以行馬者紕亦作縶系也以繫馬者繼體注見成帝綏和二年容說說續作悅文公曰阿狗以質實山陽郡名注見爲容逢迎以爲悅成帝河平二年

## 烏桓寇邊

烏桓乘天下亂畧有漢民十餘萬戶蹋頓尤彊爲袁紹所厚故袁尚兄弟歸之數入塞爲寇欲助尚復故地曹操將擊之先鑿集覽蹋頓遼西烏桓別種名丘平虜泉州渠以通運集覽力居之從子蹋徒臘反泉州縣名也屬漁陽郡質實一統志云泉州漢之縣名在幽州雍奴縣南質實屬漁陽郡三國魏省之故

城在順天府武清縣東南四十里

丁亥十二年春二月曹操封功臣爲列侯

書法

功臣何滅袁氏者也滅袁氏者也則其封侯宜矣曷爲以曹操書操之滅袁氏非爲漢也

則功臣亦有功於操而已矣故以曹操冠之是故責任子書曹操責封功臣書曹操封言非爲漢也

○夏操擊烏桓秋八月破之斬蹋頓袁熙袁尚奔遼東公孫康斬之

曹操將擊烏桓諸將皆曰袁尚亡虜耳夷狄貪而無親豈能爲尚用今深入征之劉備必說劉表以襲許萬一爲變事不可悔郭嘉曰公雖威震天下胡恃其遠必不設備因其無備卒然擊之可破滅也且袁紹



有恩於民夷而尚兄弟生存今舍而南征尚因烏桓之資招其死主之臣以生蹋頓之心恐青冀非已之有也表坐談客耳自知才不足以御備重任之則恐不能制輕任之則備不爲用雖虛國遠征公無憂矣操從之行至易嘉曰兵貴神速今千里襲人輜重多難以超利不如輕兵兼道以出掩其不意初袁紹數遣使召田疇又即授將軍印使統其衆疇皆拒之然每忽烏桓多殺其本郡冠蓋意欲討之而力未能至是操遣使辟之疇即至隨軍次無終時方夏水雨而濱海考下滯滯不通虜亦遮守蹊要軍不得進疇曰此道秋夏有水淺不通車馬深不載舟船爲難久矣舊北平郡治在下岡道出盧龍達于柳城自建武以來臨壤斷絕而有微徑若回軍從盧龍口越白檀之險出空虛之路近而便掩其不備蹋頓可不戰而禽也操令疇誘其衆爲鄉導上徐無山塹山堙谷五百餘里經白檀歷平岡涉鮮卑庭東指柳城未至二

百里虜乃知之尚熙與蹋頓等將數萬騎逆軍八月  
操登白狼山卒與虜遇縱兵擊之虜衆人崩斬蹋頓  
降者二十餘萬尚熙奔遼東尚有數千騎或勸操遂  
擊之操曰吾方使公孫康送尚熙首不煩兵矣九月  
引還康果斬尚熙首送之諸將或問操操曰彼素畏  
尚熙吾急之則并力緩之則自相圖其執然也操梟  
尚首令敢哭者斬牽招獨設祭悲哭操義而舉之時  
天寒且旱二百里無水軍又乏食殺馬數千匹以爲  
糧鑿地三十餘丈方得水既還許問前諫者皆厚賞  
之曰孤前行乘危以激衆不可以爲常諸君之諫萬  
安之計是以相賞後勿難言之封田疇爲亭侯疇曰  
吾始爲劉公報讐率衆遁逃志義不立反以爲利非  
本志也固讓不受後操復欲封之疇上疏陳誠以死  
自誓操使疇所善夏侯惇喻之疇曰疇負義逃竄之  
人耳蒙恩全活爲幸多矣豈可賣盧龍之塞以易賞  
祿哉必不得已請效死刎首於前言未卒涕泣橫流

惇以白操操知不可屈乃拜議郎○操之北伐也劉備說劉表襲許表不能用至是表謂備曰不用君言故爲失此大會備曰今天下分裂日尋干戈事會之來豈有終極乎若能應之於後者則此未足爲恨也

**集覽**

至易易地注見興平二年冠蓋蓋謂繖也謂有冠有蓋之士大夫次無終春秋釋例云凡師出

一宿爲舍再宿爲信過信爲次也無終注見漢王劉邦元年北平注見秦王政三年盧龍幽州屬郡名正義曰今平州盧龍縣是也碣石山在其北沈括曰北方水多黑色故曰盧龍郡北人謂黑爲盧水爲龍盧龍即黑水也柳城營州屬邑東北有龍山晉末燕築龍城於柳城之北正義曰柳城在北平郡東北白檀山在徐無山東北北平郡南徐無注見初平四年白狼山名在幽州東北烏桓地中爲劉公報仇劉公謂劉虞事在**貨實**一統志云田疇無終人盧龍古之塞初平四年

色黑山如龍形故名北齊屬北平郡又析置新昌縣  
隋開皇中省肥如入新昌後為盧龍郡治唐武德初  
移平州治此改為盧龍縣遼金元俱仍舊名國朝因  
之改屬永平府柳城漢之縣名屬遼西郡晉廢之唐  
復置營州于此宋省之故城在永平府城西二十里  
白檀山名在順天府密雲縣南二十五里其山之陽  
古有白檀樹故名遼東  
郡名注見秦王政三年

冬十月有星孛于鵠尾集覽

鵠尾星名其次在已楚之分野楚辭惜誓篇晦庵集

註南方七宿曰鵠首鵠火鵠尾蓋鵠無尾故以翼為尾云

○孫權母吳氏卒

吳氏病篤引見張昭屬以後事而卒

書法

孫權母何以書缺賢也

# 劉備見諸葛亮於隆中

初琅邪諸葛亮寓居襄陽隆中每自比管仲樂毅時人莫之許也惟潁川徐庶崔州平然之州平烈之子也劉備訪士於襄陽司馬徽徽曰儒生俗士豈識時務識時務者在乎俊傑此間自有伏龍鳳雛備問爲誰曰諸葛孔明龐士元也徐庶亦謂備曰諸葛孔明臥龍也將軍宣願見之手備曰君與俱來庶曰此人可就見不可屈致也將軍宜枉駕顧之備由是詣亮凡三往乃見因屏人曰漢室傾頽姦臣竊命孤不度德量力欲信大義於天下而智術淺短遂用猖獗至于今日然志猶未已君謂計將安出亮曰今曹操已擁百萬之衆挾天子而令諸侯此誠不可與爭鋒孫權據有江東已歷三世國險而民附賢能爲之用此可與爲援而不可圖也荊州北據漢沔利盡南海東連吳會西通巴蜀此用武之國而其主不能守此殆

天所以資將軍也益州險塞沃野千里天府之土劉  
璋闇弱張魯在北民殷國富而不知存卹知能之士  
思得明君將軍既帝室之胄信義著於四海若跨有  
荆益保其巖阻西和諸戎南撫夷越外結孫權內脩  
政理天下有變則命一上將將荊州之軍以向宛洛  
將軍身率益州之衆出於秦川百姓孰敢不箠食壺  
漿以迎將軍者乎誠如是則霸業可成漢室可興矣  
備曰善於是與亮情好日密關羽張飛不悅備解之  
曰孤之有孔明猶魚之有水也願諸君勿復言羽飛  
乃止徽清雅有知人之鑑同縣龐德公素有重名徽  
兄事之亮每至其家獨拜牀下德公初不令止士元  
名統德公從子也少樸鈍未有識者唯德公與徽重  
之德公常謂孔明爲卧龍士元爲鳳雛

集覽

襄陽春  
秋楚邑

秦兼天下自漢以北爲南陽今鄧州是自漢以南爲  
南郡今荊州是襄陽乃南陽南郡二郡之地隋唐爲

襄州宋隆襄陽府隆中本傳注云家于南陽鄧縣號曰隆中欲信信與伸通荊州禹貢荊州孔安國曰荊州之域北距南條荊山南盡衡山之陽春秋楚之郢都秦漢置南郡今江陵府是漢沔括地志云沔水出武都郡東南入江漢水源出梁州金牛縣東一十八里嶓冢山如淳曰沔陽人謂漢水爲沔水顏師古曰漢上曰沔沔陽屬漢中郡章懷曰漢水出漢陽嶓冢沮沔二水出武都東狼谷封禪書曰沔祠漢中索隱曰水經云沔水出武都沮縣注云東南注漢所謂漢水也故祠之漢中吳會吳都曰吳會今蘇州是宋隆平江府圖經云吳東南一都會也正義曰吳地爲荊揚交廣之都會天府之土財物所聚曰府言益州之地物產饒多可備贍給張魯即五斗米賊以鬼道惑人久據漢中宛洛宛音鴛南陽宛縣洛謂洛陽秦川坂曰隴坻登隴東望秦川極目泯然三秦記云長安

正南山名秦嶺水流秦川羅壁識遺質實一統志  
曰秦川乃關中別號德操司馬徽表字云襄陽

古邑名周爲穀鄧鄭盧羅郛之地春秋時屬楚秦爲  
南郡及南陽郡地漢因之東漢末劉表爲荊州刺史  
徙治襄陽縣三國魏徙置宜城以地在襄水之陽故  
名晉亦爲荊州治所東晉於襄陽僑置雍州梁置南  
雍州西魏改曰襄州隋初郡廢州存立山南道行臺  
并總管府煬帝時州府並罷復置襄陽郡治襄陽縣  
唐初復置襄州山南東道治此後爲襄陽郡又爲襄  
陽府復爲襄州五代梁唐置忠義軍宋復爲襄陽府  
元改爲襄陽路至本朝復爲襄陽府屬湖廣道郢州  
郡名注見新莽天鳳四年隆中山名在襄陽府城西  
北二十五里下有隆中書院漢諸葛亮嘗隱於此管  
仲注見宋武帝大明二年樂毅靈壽人樂羊之後自  
魏適燕燕昭王以爲亞卿伐齊下七十餘城封爲昌  
國君後奔趙趙封爲望諸君漢高帝時求毅後得其孫



樂叔封之樂鄉曰華城君荊州舜之所置春秋時爲楚郢都秦拔郢置南郡漢初爲臨江國尋改爲臨江郡後置荊州刺史南郡隸焉三國初屬蜀漢後屬吳晉初爲新郡尋復爲南郡隋因之唐初復爲荊州天寶中改江陵郡上元初改江陵府宋初置荊湖北路後改爲荊南府元改江陵路至本朝改爲荊州府隸湖廣道漢沔二水名漢在漢陽府城北五里禹貢嶓冢導漾東流爲漢是也沔在漢陽府城西南三十里源出襄水南入大江與漢水合流按三國志以前書傳多稱漢不言沔三國志以後多稱沔不言漢先儒皆疑漢沔爲一然今二水源流不同惟書疏引應劭云沔水下尾與漢合乃入江爲得其實南海郡名注見晉武帝太康元年交廣巴蜀二郡名巴注見周顯王五年蜀注見後王建興三年益州注同上年宛洛二縣名宛注見周赧王十七年洛注見周顯王三年

# 書法

特筆也入綱目未有書見賢者於是特書交予之也備之業定於隆中終綱目書見賢一

而已

## 發明

自三代衰王政廢士之隨世就功名者多矣當漢之末群雄雲擾凡一智一能之士莫不

乘時奮發斷以自見孰謂一世人龍如孔明者方且高臥隆中抱膝長吟畧無意於當世而又以管樂自許者哉向使昭烈不垂三顧之勤則將槁死岩穴與草木俱腐耳及其一起則功名事業彪炳顯著不可得而泯沒亮豈大言無當者彼其擇理甚精而處已甚明謂枉已不可以直人也故不苟合以求售謂托身不可以非所也故不肯苟仕於借竊時乎未遇則高蹈丘園道苟可行則奮志事業君臣既合魚水相懼則聲大義於天下使興衰繼絕綱扶正統之志昭如日星然後纂竊之徒其

罪始暴白而不可掩是豈區區一智一能之士隨世就功名者可同日語哉書劉備見諸葛亮於隆中其與聘華野訪渭濱者越千載如出一轍嗚呼三代而下孰謂出處之正有如孔明者哉不有君子表而出之則孔明亦後世人物耳噫

戊子十三年春正月曹操還鄴作玄武池以肄舟師質實

一統志云玄武池在彰德府城西南七十五里○孫權擊江夏太守黃祖破斬

之

初巴郡甘寧將僮客八百人歸劉表觀表事勢終必無成欲東入吳黃祖在夏口軍不得過乃留依祖三年祖以凡人畜之孫權擊祖祖軍敗走權校尉凌操急追之寧射殺操祖得免軍罷還營待寧如初都督

蘇飛數薦寧不用乃白以爲邦長寧遂亡犇孫權周  
瑜呂蒙共薦達之寧獻策曰今漢祚日微曹操終爲  
篡盜南荆形便誠國之西執也寧觀劉表慮既不遠  
兒子又劣至尊當早圖之不可後操圖之之計宜先  
取黃祖祖今昏耄已甚財穀並乏左右貪縱吏士心  
怨舟船戰具頓廢不脩怠於耕農軍無法伍至尊今  
徃其破可必一破祖軍鼓行而西據楚關大執彌廣  
即可漸規巴蜀矣權深納之張昭難曰今兵下業業  
若軍果行恐必致亂寧謂昭曰國家以蕭何之仕付  
君君居守而憂亂奚以希慕古人乎權舉酒屬寧曰  
興霸今年行討如此酒矣決以付卿但當勉建方畧  
何嫌張長史之言乎權遂西擊黃祖祖橫兩蒙衝快  
守沔口大紮繫石千弩交射軍不得前將軍董襲司  
馬凌統各將敢死百人人被兩鎧乘大舸突入蒙衝  
裏襲以刀斷紮蒙衝乃橫流大兵遂進祖令陳就逆  
戰呂蒙親梟就首於是水陸並進遂屠其城祖挺身

走追斬之又欲殺蘇飛甘寧下席叩頭流涕言飛舊  
恩乞其首領權乃舍之凌操子統欲殺寧權命統不  
得讐之今集覽夏口一名魯口似指夏水之口然何  
寧也他所集覽夏口之云夏口在荆江之中正對沔口  
章懷太子注東漢亦謂夏口戎在今鄂州故唐史皆  
指鄂州爲夏口本在江北自孫權取對岸夏口之名  
以名之而江北之名始晦水經云夏水在江夏西冬  
竭夏流故名夏水晦庵曰夏水入江處今名夏口即  
詩所謂江有汜也邾長邾縣令長也邾注見漢王劉  
邦元年南荆春秋楚之郢都秦置南郡三國漢關羽  
既沒南郡屬吳荆州之名南北雙立魏立荆州理宛  
今南陽是吳立荆州理江陵今郡城是是謂南荆頃  
廢左傳襄四年甲兵不頓注頓壞也興霸甘寧表字  
蒙衝戰船也所以衝突敵船字與蒙衝通釋名上下  
重板曰艦外狹而長曰艨艟口在江夏沙羨縣域  
中今漢陽是水經云自江陵縣過華容縣東至雲杜

縣入沔謂之賭口自賭口下沔水過夏口會于江所  
謂沔口即此大紮繫石紮音薛長繩也繫音系聯屬  
也石丁定反鍾舟石質實一統志云夏口在武昌府  
也今海舟皆用之  
懷太子註東漢亦謂夏口戎在今鄂州故唐史皆稱  
鄂州爲夏口本在江北自孫權取對岸名夏口而江  
北之名始晦又云魯口即夏口以其對魯山岸故名  
沔口在漢陽府城西南三里今名沌口劉澄之山水  
記沔口古滄浪水世傳屈原遇漁父作  
歌即此處董襲會稽人凌統餘杭人

# 夏六月罷三公官曹操自爲丞相

操以崔琰爲西曹掾毛玠爲東曹掾司馬朗爲主簿  
弟懿爲文學掾琰玠並典選舉其所舉用皆清正之  
士雖有盛名而行不由本者終莫得進拔敦實斥華  
僞進冲遜抑阿黨由是士以廉節自勵雖貴寵輿服

不敢過度長吏還者垢面羸衣獨乘柴車軍吏入府  
朝服徒行吏潔於上俗移於下操聞之歎曰用人如  
此使天下人人自治吾復何爲哉懿少聰達多大畧  
琰謂朗曰君弟聰亮明允剛斷英特非子所及也操  
聞而辟之懿辭以風痺操怒欲收之懿懼就職操幼  
子倉舒舒卒操傷惜之甚掾邴原有女早亡操欲求與  
倉舒合葬原辭曰嫁殤非禮也原之所以自容於明  
公公之命則是以待原者以能守訓典而不易也若聽明  
公馬以爲哉操乃止

**集覽**

羸衣羸倫爲反敝敗之  
柴車注見新莽地皇

元年嫁殤非禮也禮媒氏禁嫁殤者注殤十九以下  
未嫁而死者生不以禮相接死而合之是亦亂人倫  
者

**質實**

毛玠陳留人司馬朗  
河內人邴原朱虛人

**書法**

特書也書三公罷復多矣此其爲特書何譏  
專也操嘗自爲大將軍矣既而懼紹自爲司

空以讓之於是紹滅魏於復取也故罷三公官而自爲丞相如是則不必爲大將軍而尊固在矣操之姦可勝言哉

發明書罷三公官曹操自爲丞相讀之若無異義然操自欲尊異不肯復使他人得與已同列之意自隱然在其中矣學者不可不知

以馬騰爲衛尉

以騰子超爲偏將軍代統其衆

秋七月曹操擊劉表○八月操殺大中大夫孔融夷其族



融恃其才望數戲侮曹操又上書言宜準古王畿之制千里寰內不以封建諸侯操疑融所論建漸廣益憚之融與御史大夫却慮有隙慮承操旨奏融昔在北海招合徒眾欲規不軌與孫權使語誚朝廷又與禰衡更相贊揚衡謂仲尼不死融荅顏回復生大逆不道操遂收融并其妻子皆殺之初京兆脂習與融善每戒融剛直太過必罹世患及融死許下莫敢收者習往撫尸曰文舉舍我死吾何用生爲操收習欲殺之既而赦之

集覽

王畿之制千里禮職方氏辨九服之邦國方千里曰王畿鄭玄曰夏曰縣

內天子所居州界名也殷曰畿周亦曰畿謂之畿者責以供土稅貢也郝慮按史昭通鑑釋文却音綺戟反至晉元帝時郝鑒乃音丑之反有此不同及檢大宋重洛旁韻唯六脂內收此字注郝姓出高平是已許下許許州也許下猶質實北海郡名注見桓帝洛曰洛下郊曰郊下之類

永康元年青州禰衡

平原般人京兆郡名注見唐玄宗開元十一年許下縣名注見建安元年文舉孔融表字

發明

自古篡奪之賊必先去其所懼之人孔融志大才高名重海內此固操之所懼者范史謂

操慮鯁大業其言是矣故綱目持書操殺而不去其官

# 劉表卒九月操至新野表子琮舉州降

初劉表二子琦琮表爲琮娶其後妻蔡氏之姪蔡氏愛琮而惡琦琦不自寧與諸葛亮謀自安之術亮不對後乃與亮升樓去梯謂曰今日上不至天下不至地言出口而吾耳可以言未曰君不見申生在山而危重耳居外而安乎琦意感悟會黃祖死琦求代其任表乃以琦爲江夏太守表卒琮嗣未幾曹操軍至劉琦等曰逆順有大體疆弱有定執以人臣而拒人主之道也以新造之楚而禦中國必危也且

將軍自料何如劉備若備不足禦曹公則雖全楚不能以自存也若足禦曹公則備不爲將軍下也琮從之操至新野琮舉

**集覽**

申生在內而危重耳在外而州降操遂進兵安申生事注見高帝十二年

晉獻公以驪姬故廢太子之下重耳亦獻公子居於蒲太子申生以薦胙被譖自殺時重耳來朝驪姬又譖申生之藥胙重耳知之重耳懼遂奔翟又如齊秦繆公求重耳而內之於晉是爲文公新野南陽新野縣今屬

**質實**

新野縣名注見平帝元始四年

# 劉備奔江陵操追至當陽及之備走夏口

劉備屯樊琮降而不以告備久乃覺則操已在宛矣備乃大驚或勸備攻琮荊州可得備曰劉荊州臨亡託我以孤遺背信自濟死何面目以見劉荊州乎將其衆去過襄陽呼琮琮懼不能起琮左右及荊州人

多歸備備過辭表墓涕泣而去比到當陽衆十餘萬人輜重數千兩日行十餘里別遣關羽乘船會江陵或謂備宜速行保江陵今擁大衆被甲者少曹公兵至何以拒之備曰夫濟大事必以人爲本今人歸吾吾何忍棄去智鑿齒曰玄德顛沛險難而信義愈明勢逼事危而言不失道追景升之顧則情感三軍總赴義之士則甘與同敗終濟大業不亦宜乎○琮將王威曰曹操聞將軍已降劉備已走必懈弛無備輕行單進若給威奇兵數千徼之於險操可獲也獲操即威震四海非徒保守今日而已琮不納操以江陵有軍實恐劉備據之乃釋輜重將精兵急追之及於當陽之長阪備棄妻子與諸葛亮張飛趙雲等數十騎走徐庶母爲操所獲庶辭備指其心曰本欲與將軍共圖王霸之業者以此方寸地也今已失老母方寸亂矣無益於事請從此別遂詣操張飛拒後據水斷橋瞋目橫矛曰身是張翼德也可來共決死操兵

無敢近者雲抱備子禪與關羽船會得  
**集覽** 樊城名在襄陽

濟西遇劉琦衆萬餘人與俱到夏口

城西北五里或謂即仲山甫所封樊國非也

徵之於

險徵音伊哨反遮也字與要通孟子使數人要於路

軍實謂車徒器械芻糧之類當陽之長坂南陽當陽

縣今屬荊門州縣在州西北九十里元和志云綠林

山在當陽縣東南百二十里即所謂當陽之長坂也

**質實**

一統志云樊城名在襄陽府城北漢江上

與襄陽對峙即周仲山甫所封之樊國也宛縣名注

見周赧王十七年劉表墓在襄陽府城東當陽漢之

縣名屬南郡後周於此置平州及漳川郡隋初郡廢

改爲玉州後廢之唐初復置平州又改爲玉州尋省

五代時高氏置荊門軍於此宋紹興中以縣省入長

林後復置元因之至國朝改屬荊州府江陵漢之縣

名爲南郡治所東漢省郢縣入江陵唐以安興縣省

入宋元仍舊至國朝因之改屬襄陽府長坂在荊州

府當陽縣北一百一十五里

# 操進軍江陵

曹操進軍江陵釋韓嵩之因以爲大鴻臚初袁紹在冀州遣使迎汝南士大夫西平和洽以爲冀州土平民彊英傑所利四戰之地不如荊州土險民弱易依倚也遂從劉表表以上客待之洽曰所以不從本初辟爭地也昏世之主不可黷近久而不去讒慝將興遂南之武陵表辟劉望之爲從事而其友二人皆以讒誅望之又以正諫不合投傳告歸弟廙謂曰趙殺鳴犢仲尼回輪今兄既不能法柳下惠和光於內則宜模範蠱遷化於外坐而自絕於時殆不可也望之不從尋亦見害廙奔揚州於是操以洽廙爲掾屬從人望也劉璋遣別駕張松致敬於操松爲人短小放蕩操已定荊州走劉備不存錄松松怨之歸勸璋絕

操與劉備相結璋從之習鑿齒曰昔齊桓一矜其功而叛者九國曹操暫自驕伐而天下三分皆勤之於數十年之內而棄之於

**集覽**

西平汝南西平縣按汝南古蔡州也今改汝寧

府辟爭地辟與避通爭地謂冀州英傑必爭之地投傳投納傳符也後書陳蕃以諫爭不合投傳而去即此廩羊至反趙殺鳴犢仲尼回輪孔子既不得用於衛將西見趙簡子至河間竇鳴犢舜華之死也臨河嘆曰立之不濟此命也夫竇鳴犢舜華晉之賢大夫也今乃殺之遂反衛案戰國策顏師古說二人姓名曰鳴犢鐸犢犢古今人表曰鳴犢竇犢說苑權謀篇曰晉有鐸名竇犢其不同如此前書劉輔傳載谷永上書曰趙簡子殺其大夫鳴犢韓退之將歸操亦曰孔子之趙聞殺鳴犢作至史記世家乃曰竇鳴犢舜華索隱曰家語云殺竇犢鳴犢及舜華國語云鳴鐸竇犢則竇犢字鳴犢聲轉字異或作鳴鐸慶華當作舜

華諸說皆同法柳下惠和光於內法則效也柳下惠  
不羞汙君不辭小官和光而同塵老子元德章曰和  
其光同其塵是謂元同注和者言當晦其光不以炫  
於人當與衆同塵不當自殊別也元天也人能行此  
是為與天同道模範蠡遷化於外模亦法也范蠡春  
秋越大夫越王句踐欲伐吳范蠡不可後越竟滅吳  
蠡遂扁舟浮于五湖不存錄松存恤問質實一統志  
也錄收拾也謂不存恤張松而錄用之質實云西平  
漢之縣名屬汝南郡東漢末廢之後魏復置并置襄  
城郡北齊改文城郡隋初郡廢以縣屬蔡州大業初  
縣廢唐初復置貞觀初省入鄆城開元間再置屬蔡  
州宋金元仍舊至國朝因之改屬汝寧府汝南郡名  
注見光武建武十九年武陵郡名注同上年仲尼孔  
子字仲尼其先宋人六世祖孔父嘉之子奔魯遂為  
魯人父叔梁紇母顏氏禱於尼丘生孔子因名丘少  
習禮容適周見老子既反而弟子益進適齊景公欲



以尼谿田封孔子晏嬰沮之退而脩詩書禮樂魯定公以孔子爲中都宰一年四方皆則之進爲司空復爲大司寇三月而誅少正卯齊懼與魯會於夾谷孔子攝行相事遂歸所侵之田還墮三都齊人饋女樂而孔子適衛歷聘各國復歸魯正樂晚而喜易因魯史作春秋年七十三卒弟子心喪三年魯追謚尼父漢追謚宣尼公後周追封鄒國公唐追封文宣王宋加至聖元加大成自漢以來皆封其後至國朝益尊崇之世封其後爲衍聖公擇其後之賢者世知曲阜縣柳下惠姓展名禽魯人居柳下仕魯爲士師三黜而不去人問之曰直道而事人焉往而不三黜枉道而事人何必去父母之邦卒謚曰惠孟子稱其不羞汙君不辭小官進不隱賢必以其道范蠡南陽宛人事越王勾踐苦身戮力與謀滅吳以報會稽之耻及勾踐既霸遂辭越乘舟浮於五湖出齊變姓名號鴟夷子皮之陶爲陶朱公三致千金再分與貧交昆弟

天下言富者  
稱陶朱公

冬十月朔日食。曹操東下，孫權遣周瑜、魯肅等與劉備迎擊於赤壁，大破之。操引還。

初，魯肅言於孫權曰：「荊州與國鄰接，江山險固，沃野萬里，士民殷富，若據而有之，此帝王之資也。今劉表新亡，二子不協，軍中諸將各有彼此。劉備天下梟雄，與操有隙，若與彼協心，上下齊同，則宜撫安，與結盟好。如有離違，宜別圖之，以濟大事。」肅請得奉命弔表二子，并慰勞其軍中用事者，及說備使撫表衆，同心一意，共治曹操，備必喜而從命。如其克諧，天下可定也。今不速往，恐為操所先。權即遣肅行，到夏口，聞操已向荊州，晨夜兼道，比至南郡，而琮已降。肅遂迎備於當陽長阪，宣權旨，致殷勤之意。且曰：「孫討虜，聰明。」

仁惠敬賢禮士江表英豪咸歸附之已據有六郡兵  
精糧多足以立事今爲君計莫若遣腹心自結於東  
以共濟世業備甚悅肅又謂諸葛亮曰我子瑜友也  
即共定交子瑜者亮兄瑾也爲權長史備進住樊口  
操將順江東下亮謂備曰事急矣請奉命求救於孫  
將軍遂與肅俱詣孫權見於柴桑說曰海內大亂將  
軍起兵江東劉豫州收衆漢南與曹操並爭天下今  
操芟夷大難畧已平矣遂破荊州威震四海英雄無  
用武之地故豫州遁逃至此願將軍量力而處之若  
能以吳越之衆與中國抗衡不如早與之絕若不能  
何不按兵束甲北面而事之今將軍外託服從之名  
而內懷猶豫之計事急而不斷禍至無日矣權曰苟  
如君言劉豫州何不遂事之乎亮曰田橫齊之壯士  
耳猶守義不辱况劉豫州王室之胄英才蓋世衆士  
慕仰若水之歸海若事之不濟此乃天也安能復爲  
之下乎權勃然曰吾不能舉全吳之地十萬之衆受

制於人吾計決矣非劉豫州莫可以當曹操者然豫州新敗安能抗此難乎亮曰豫州軍雖敗於長坂今戰士還者及關羽水軍精甲萬人劉琦合江夏戰士亦不下萬人曹操之衆遠來疲敝聞追豫州輕騎一日一夜行三百餘里此所謂強弩之末勢不能穿魯縞者也故兵法忌之曰必蹶上將軍且北方之人不習水戰又荊州之民附操者偪兵執耳非心服也今將軍誠能命猛將統兵數萬與豫州協規同力破操軍必矣操軍破必北還如此則荆吳之勢彊鼎足之形成矣成敗之機在於今日權大悅時操遺權書曰近者奉辭伐罪劉琮束手今治水軍八十万衆方與將軍會獵於吳權以示群下莫不失色張昭等曰曹公豺虎也挾天子以征四方拒之不順且將軍大勢可以拒操者長江也今操得荊州水軍蒙衝鬪艦乃以千數浮以沿江水陸俱下此爲長江之險已與我共之矣而勢力衆寡又不可論愚謂大計不如迎之

魯肅獨不言權起更衣肅追於宇下權知其意執肅手曰卿欲何言肅曰向察衆人之議專欲誤將軍不足與圖大事今肅可迎操耳如將軍不可也何以言之今肅迎操操當以肅還付鄉黨品其名位猶不失下曹從事乘犢車從吏卒交游士林累官故不失州郡也將軍迎操欲安所歸乎願早定大計莫用衆人之議也權歎息曰諸人持議甚失孤望今卿廓開大計正與孤同時周瑜受使至番陽肅勸權召瑜還瑜至謂權曰操雖託名漢相實漢賊也將軍以神武雄才兼仗父兄之烈割據江東地方數千里兵精足用英雄樂業當橫行天下爲國家除殘去穢况操自送死而可迎之邪請爲將軍籌之今北土未平馬超韓遂爲操後患而操舍鞍馬仗舟楫與吳越爭衡又今盛寒馬無橐草驅中國士衆遠涉江湖之間不習水土必生疾病此數者用兵之患也而操皆冒行之將軍禽操宜在今日瑜請得精兵數萬人進住夏口保

爲將軍破之權曰老賊欲廢漢自立久矣徒忌二袁  
呂布劉表與孤耳今數雄已滅惟孤尚存孤與老賊  
執不兩立君言當擊甚與孤合此天以君授孤也因  
拔刀斫前奏案曰諸將吏敢有復言當迎操者與此  
案同乃罷會是夜瑜復見權曰諸人徒見操書言水  
步八十萬而各恐懼甚無謂也今以實校之彼所將  
中國人不過十五六萬且已久疲所得表衆亦極七  
八萬耳尚懷狐疑夫以疲病之卒御狐疑之衆衆數  
雖多甚不足畏瑜得精兵五萬自足制之願將軍勿  
慮權撫其背曰公瑾卿言至此甚合孤心子布元表  
各顧妻子深失所望獨卿與子敬與孤同耳此天以  
卿二人贊孤也已選三萬人船糧戰具俱辦卿與子  
敬程公便在前發孤當續發人衆多載資糧爲卿後  
援遂以周瑜程普爲左右督與備并力逆操以魯肅  
爲贊軍校尉助畫方略劉備望見瑜船乘單舸往見  
瑜問戰卒有幾瑜曰三萬人備曰恨少瑜曰此自足

用豫州但觀瑜破之備深愧喜進與操遇於赤壁時  
操軍已有疾疫初一交戰操軍不利引次江北瑜等  
在南岸瑜部將黃蓋曰今寇衆我寡難與持久操軍  
方連船艦首尾相接可燒而走也乃取蒙衝闕艦十  
艘載燥荻枯柴灌油其中裹以帷幕上建旌旗豫備  
走舸繫於其尾先以書遺操詐云欲降時東南風急  
蓋以十艦最著前中江舉帆餘船以次俱進操軍吏  
士皆出營立觀指言蓋降去北軍二里餘同時發火  
火烈風猛船往如箭燒盡北船延及岸上營落頃之  
煙燄張天人馬燒溺死者甚衆瑜等率輕銳繼其後  
雷鼓大進北軍大壞操引軍走遇泥淖道不通悉使  
羸兵負草填之蹈藉死者甚衆天又大風劉備周瑜  
水陸並進追至南郡操軍死者大半操乃雷曹仁守  
江陵樂進守襄陽引軍北還甘寧徑進取夷陵守之  
益州將襲肅舉軍降瑜以肅兵益呂蒙蒙盛稱肅有  
膽畧且慕化遠來於義宜益不宜奪也權善其言還

肅兵曹仁園甘寧蒙謂瑜曰留凌公績於江陵蒙與  
君行解圍釋急孰亦不久蒙保公績能十日守也瑜  
從之大破仁兵於夷陵於是將士形**集覽**梟雄梟勇  
孰自倍瑜乃渡江屯北岸與仁相拒**集覽**梟雄梟勇  
備也仲馮曰梟謂善鬪也史炤曰猶如陸博得梟者  
勝南郡秦兼天下自漢以北爲南陽今鄧州是自漢  
以南爲南郡今荊州是即江陵府也樊口在江夏郡  
鄂縣蘇東坡遊寒溪西山詩千搖萬兀到樊口一箭  
放溜先鳬鷺注樊口即武昌縣樊口也在江南岸赤  
壁居其上游柴桑棲賢院記柴桑山名在今江州德  
化縣西南九十里近栗里源陶潛此中人也廬山記  
柴桑本縣名陶潛宅在焉晉置江州又分尋陽柴桑  
二縣置尋陽郡田橫齊之壯士七國時齊王田儋死  
橫自立及項羽滅橫懼誅與其徒五百人入居海島  
漢高赦而召之橫與其客二人詣洛陽未至三十里  
自殺帝拜二客爲都尉以王禮葬田橫既葬二客穿



其冢旁皆自劉下從之帝又召其海中五百人使至  
聞橫死亦皆自殺江夏春秋時謂之夏汭漢置江夏  
郡領鄂縣入三國吳孫權自公安徙治鄂更名武昌  
隋改鄂州魯縞繒之精白者曰縞曲阜之俗善作之  
尤爲輕細故謂之魯縞蹶上將軍注見周顯王二十  
八年子布元表子布張昭字也下言於上曰表元表  
謂當元所言也昭嘗言不如迎之程公謂程普赤壁  
按方輿勝覽黃州注引水經戴赤鼻山齊安拾遺遂  
以赤鼻山爲赤壁山其說乖繆蓋周瑜自柴桑至武  
昌縣樊口而後遇於赤壁則赤壁當臨大江在樊口  
之上今赤鼻山在樊口對岸何待進軍而後遇之乎  
人赤壁初戰操軍不利引次江北而後有烏林之敗  
則烏林當在江之北岸赤壁在江之南岸今乃云赤  
壁在江之北亦非也然蘇子瞻赤壁賦云此非孟德  
之困於周郎者乎乃疑似語其大江東去之詞亦云  
人道是三國周郎赤壁此又可見矣且子瞻嘗言黃

州守居之數百步爲赤壁或言卽周瑜破曹公處不知是否又按鄂州赤壁山注引郡縣志云赤壁在蒲圻縣西北二十里北岸烏林與赤壁相對此卽周瑜用黃蓋策焚曹公船處也今江漢間言赤壁者五謂漢陽漢川黃州嘉魚江夏其說雖各有所據惟江夏之說近古而合於中烏林與赤壁卽非一地也烏林注見建安二十年龔肅姓名  
**正誤** 子布元表各顧妻也益州之將公續凌統表字  
子布元表各顧妻  
布秦松字文表此作元表蓋本虞溥江表傳孫權曰子布元表諸人各顧妻子恐文誤作元或一字元表也及考三國志呂蒙傳孫權曰孟德張言率衆水步俱下子布文表俱言迎之通鑑建安二十四年亦載孫權云孟德率衆俱下張子布秦文表俱言宜遣使脩檄迎之三書皆作文表又江表傳云曹公責孫權任子張昭秦松等猶豫不能決周瑜曰不如勿遣亦一證也集覽縱不知元表爲秦松之字獨不詳各字

之義乎孫權若責子布一人何以言各顧妻子也

**質實**

南郡注見建安十二年一統志云樊口在

武昌府武昌縣西四里樊山之下與西山相連柴桑漢之縣名屬豫章郡東漢及晉宋皆因之隋改為潯城縣後省之故城在九江府城南九十里江夏郡名注見唐僖宗乾符四年鄂州番陽縣名注見秦二世二年赤壁山名在武昌府城東南九十里唐元和志在蒲圻縣西一百二十里北岸烏林與赤壁相對即周瑜焚曹操船處圖經云在嘉魚縣西七十里其地今屬嘉魚宋蘇軾指黃州赤鼻山為赤壁蓋劉備居樊口進兵逆操遇於赤壁則赤壁當在樊口之上又赤壁初戰操軍不利引次江北則赤壁當在江南亦不應在江北今江漢間言赤壁者五漢陽漢川黃州嘉魚江夏惟江夏之說合於史黃蓋零陵人樂進衛國人程普右北平土垠人夷陵縣名注見光武建武九年田橫故齊王榮弟項羽破齊復擊漢田橫乃以

散兵復攻齊城邑立榮子廣為王而相之及廣死橫自立為王漢高既立橫與其徒五百餘人入居海島高帝召之乃乘傳詣洛陽未至自剄其徒五百人間橫死亦皆自殺

書法

東下何盛辭也故特書迎擊是役也微迎擊則吳事去矣

發明

赤壁之勝吳人專有其功是以他日荊州之爭關羽方詰魯肅以謂烏林之役左將軍親

在行間戮力破賊而魯肅則謂始與豫州觀於長坂志勢推弱主上矜愍以濟其患如此則其功固有所歸矣今綱目於此乃書瑜肅等與備迎擊破之何哉蓋當曹操東下之時吳人震懼謀欲迎操雖有周瑜魯肅定謀於內然非昭烈孔明左右感發於外則亦未必成功若是之捷觀之柴桑之說則可見矣書法如此蓋亦推求其實而權其輕重耳夫豈過哉

十二月孫權圍合肥質實

合肥縣名注見  
靈帝中平五年

○劉備徇荆

州江南諸郡降之


劉備表劉琦爲荊州刺史引兵南徇武陵長沙桂陽  
零陵皆降廬江營帥雷緒率部曲數萬口歸備備以  
諸葛亮爲軍師中郎將  
督諸郡賦稅以充軍實

孫權使其將賀齊討黥賊平之

丹陽黥賊帥陳僕等二萬戶屯林歷山四面壁立齊  
募輕捷士夜於隱處以鐵戈拓山而上縣布以援下  
人得上者百餘人分布四面鳴鼓角賊守路者皆驚  
走還大軍上攻破之以其地爲新都郡齊爲太守  
集覽丹陽徐廣曰本秦之鄣郡漢武改名丹陽郡而  
丹陽都尉分治于歙黥歙二縣皆隸焉正義曰

漢之丹陽理宛陵即今寧國府治也徽州亦隸焉此  
非晉唐之丹陽按晉丹陽治秣陵唐丹陽治京口黠  
音於夷反或音移徐廣曰漢丹陽郡屬縣也索隱曰  
新安郡有黠縣正義曰丹陽新安今徽州是鳴鼓角  
伐鼓吹角皆所以作勇也左傳魯桓公與齊人戰曹  
劓曰一鼓作氣又宋襄公及楚人戰公子魚曰金鼓  
以聲氣也通禮義纂曰蚩尤師魑魅與黃帝戰帝命  
吹角作龍鳴以禦之按角長五尺以皮爲之或以竹  
木其形如竹筒本細而末大新都徐廣曰漢武帝改  
鄣郡爲丹陽郡三國吳孫權分丹陽置新都郡晉武  
帝改新都爲新安隋**質實**丹陽郡名注見明帝永平  
置歙州宋改爲徽州十三年一統志云黠秦之  
縣名屬鄣郡以縣有黠山故名漢屬丹陽郡鴻嘉初  
以黠爲廣德王國三國吳屬新都郡晉屬新安郡隋  
初置歙州治於此宋屬徽州元仍舊至國朝因之屬  
徽州府林壁山在徽州府黠縣西南一十里新都三

國吳之郡名治始新縣晉改爲新安郡劉宋以郡屬  
東揚州梁又析置新寧郡隋廢郡置歙州治黟大業  
初改爲新安郡治休寧義寧中又遷治歙唐置歙州  
天寶初改新安郡乾元復爲歙州宋爲徽州元爲徽  
州路國朝初改爲  
徽州府直隸京師



御批資治通鑑綱目卷十三